

四諦論卷第一

逸七

婆 藪 跋 摩 造

陳 三 藏 真 諦 譯

思擇品第一

般若徧諸法 <sup>遠七</sup> 大悲攝衆生 無相說正道

頂禮人天尊 大聖旃延論 言略義深廣

大德佛陀密 廣說言及義 有次第莊嚴

廣略義相稱 名理互相攝 我見兩論已

今則捨廣略 故造中量論 利益說受者

令正法久住 若人達四諦 四信處難動

不更視他面 永離四惡道 八等人天識

後必至苦際 故造四諦論 不由求慢等

緣起義多種 句味前後次 他難及救義

總別相應理 證義及譬喻 依此說四諦

願衆生知此 得天道涅槃

聖諦有四此言是經何因何緣佛世尊說如

此經云何聖諦有四不增不減云何聖義及

與諦義若以聖故名爲諦者前二不應名諦

若言聖家諦故名爲諦義則不定復有經說

諦唯是一無有第二云何四義而不破壞復

有經說一切行法是名為苦故唯二諦四諦義不成復次增一中說安立諸法從一至二乃至眾多云何諦義獨不增一復次四相既其不同云何一時而得並觀復次四相婆羅門諦及與聖諦有何差別持散偈曰

云何四聖諦 非諦不定境 唯二增並觀  
淨聖諦何別

云何諸佛於四諦中同有一意云何唯以四諦為諸佛上品正說云何同觀四諦為境智慧平等而果有差別云何阿羅漢於四諦中

智圓無餘不同諸佛得一切智若不同者於四諦中應有無明若一切法四諦中攝勝奢波葉譬經應須救解若不救解應有五諦若無五諦餘法非諦若苦等四名聖諦者又說一苦具足聖諦如是等經則不須說若四諦智說名為苦是義不然若知一諦亦知餘諦者後說三諦則為無用云何在先說於苦諦若未說因先說果者何得不違十二緣生云何說滅諦後說道諦持散偈曰

一意上果異 一切智葉譬 四違一無用

先苦因緣滅

聖諦有四云何佛世尊說此經答有諸弟子應得聖道先在外道稟受邪法或事常行外道或不住一處道護命道相違道老聲聞道思瞿曇道鳥翅衣道事水道辮髮道事火道裸形道等如是諸道各讚己法唯有我法真實無餘諦不相違無死爲果他法不爾聞此言已無決定智如是等法何者真實何者不實是諸弟子於諦非諦起無明惑爲顯實諦是故大仙說如是經譬如有人爲僞瓔珞之

所欺張令其得見真實瓔珞復次有諸別法說如此義若捨俗飾持沙門相住阿蘭若處行頭陀法值遇白法減捨財物守護慚羞登上戒車控制根馬磨練鬪仗被服定鎧因此等行自謂我等是真沙門是諸人等起沙門連七增上慢令其得見真實沙門故佛世尊說如是經爲顯此義爲通達四諦於聖法中成實沙門不由餘行如沙門經說若有如此具如經說實法門者由四諦觀故得成立不由世間修行究竟共得有流而名沙門如裸形偈

說復次已免九難前佛已生其獸離因法以善根者熏習其心已長聖道資種意行俱淨應通達聖諦是勤行心爲令服聖諦智藥故佛世尊而說是經如可治病醫則施藥復次聞惡道苦最極難忍生獸怖心爲如此人顯不墮惡道因緣故說此經何以故八地獄中受生衆生六方火燄之所圍遶舉體洞然如融金色其出入息皆是火燄受燒熱苦復有諸人飢食鐵丸渴飲銅汁或剉或斫或破或抽受種種苦有衆色狗及鐵觜鳥等之所噉

食或受餓鬼生飢渴苦恒隨身咽如針孔恒欲食飲終無飽足渴行求水宿業所逼若近河邊便見河燥或見膿血屎尿臭穢徧滿值華果樹變成空林如偈說言

月炙如夏日 風觸如火燄 雨滴如洋錫

履地如熱灰

是故餓鬼受苦最劇或生畜生道恒被籠繫斫破鞭打互相吞食更相疑畏心恒不安受如此苦或生脩羅怨結慳悋慢觸犯受是等苦佛諸弟子聞諸惡道有如是苦畏自墮彼

欲顯四諦知是見不是墮因緣故說此經如人應墮海底施以船筏令其得濟如經中說若有眾生於如是苦能如實見則得解脫四種惡道及生老病一切諸苦復次爲令眾生遠離五種邪欺誑語一能生眾惡二惡人受行三賢人遠離四能發起煩惱五欺誑爲體逆七爲令他說利益眾生五分正語一自德相應二善人受行三生長善根四令離生死棘刺稠林五令至實樂離五邪言行五正語故說此經譬如今捨偽寶取真實寶如經中說莫

說實邪惡言若僧聚集應行兩事一聖默然二聖正法言復次有諸凡夫各自執著諸別異諦我執是實他執爲非由此執故互相鬭諍如生盲見象欲顯最勝無死鬭諍無更起無顛倒是聖諦智慧故說此經爲現此意執著斷常說我諸人互相關諍見四諦人則不如是了達真空故如佉多柯經說復次依正師長住空閑處受頭陀行減損生具守護六根節量飲食初後夜覺樂一心聽如理思量正說及誦端坐寂定數息觀門由此因緣成

熟相續心地靜細或聚動弱為如是人令得  
通達故說此經如潤滑人施其利藥若真實  
義唯以智根名為通達應知此根緣四聖諦  
是通達經此中應說復次為破四惑顯兩方  
便故說此經如偈所說

遺七

生起滅離闇

種種諸邪執

五  
六十二種見

因果中無明

為破此等惑

欲顯不動理

及繫解脫緣

故佛說此經

復次梵等諸天仙等諸人婆利等脩羅道龍  
等諸夜叉等神闇摩等護不見四聖諦故不

出三界獄如蠶處繭迴轉六道猶如車輪漫  
走闇中墮深坑喻受大燒熱若見四聖諦則  
破無明闇得智光明解脫四惡道則不仰觀  
諸道由是四聖諦真實無二無倒無諍能成  
如來出世勝用欲顯此義故說此經論主欲

顯四諦義無與等者故說首盧柯

知外諦不離

律理行勝負

不能度生老

死憂悲大海

則此聖智人

貪瞋引鬪諍

智者求解脫

外諦不應知

若人見聖諦

免惡道勝法

離過無染濁

常行四等心

衆苦所徧滿 解脫三界獄 聰慧求涅槃

應須見聖諦

持散偈曰

弟子及沙門 免難畏惡道 過失與邪執

師尊破顯梵

云何聖諦唯有四種不減不增答此問非問一切處如是有窮故復次身見斷見常見無事見爲對治此四是故聖諦有四復次爲對治四倒故說四諦猶如四念處復次爲離四種邪執事故由一切衆生有四種邪執何者

爲四謂果因解脫方便邪執一果邪執者我見念愛業所生陰界入等不淨臭穢猶如死狗三苦火隨燒無常金剛之所破壞我我所者使作者受者使受者之所遠離此中淨樂常我執是果邪執爲離此執故說苦聖諦二逸七因邪執者謂世主梵王自在人六雙時自性定自然非因宿業亡藥曰宿藥地水火風隣虛空等此非因不平等因執爲生因是名因邪執爲離此執故說集諦三解脫邪執者歸五入毗紐體極入空至世俗住無苦上獨存離

我德三定果暫捨永捨如是等執解脫者非  
定非永名解脫執爲破此執故說滅諦四方  
便邪執者謂遠離五塵飲食衣服卧具住處  
風水華菓根芽枝葉米麴油滓牛糞以此等  
物爲飲食故樹皮茅藤板編草青鹿皮用此  
等物以爲衣服或復捨此地上並杵板刺灰  
聚卧此等上或首下脚上或隨向日熱炙身  
恒著濕衣恒住水中大行投巖赴火永沒水  
依時節業盡無因由此等行謂得涅槃是名  
方便邪執爲離此執故說道諦以事四故故

說四諦猶如聖道復次爲分別希有法故聖  
諦有四何以故取陰是衆生依著處故說苦  
應知不可依著由貪愛故無有寂靜貪愛滅  
故則有寂滅苦滅者我慢寂滅心苦對治故  
四修道故無明寂滅道能對治無明故復次  
一切求解脫人滅苦得樂是其勝用滅苦云  
何由集滅故得樂由修道故聖諦有故復次  
經論師說若人觀見生死過失觀涅槃功德  
則入正定聚生死過失云何謂受生識起失  
此識起因即是貪愛涅槃功德云何謂識不

起樂此識不起方便即是聖道故說四諦復次分別世出世因果故說四諦復次通達四種故復次依住四種故說四諦復次別相四種故說四諦問聖義及諦義云何答聖義有八一自在若繫屬他則不自在名為僕隸不名為聖諸佛及弟子於心及法二處自在故名為聖二免貪愛奴如許自在人出家三聖種生故名為聖人如生婆羅門種四於聖地生地者謂真實無生譬如生中國地五行離生死如婆羅門六不乘生死車如捨則無著

七不更生故猶如陳種八恭敬應往以福德故猶如皇帝持散偈曰

自在離貪奴 聖種聖地生 行離不乘車 不生恭敬往

諦義有七一不倒是諦義譬如火相二實有是諦義如經中說三無變異是諦義四無二行是諦義譬如樹提伽地耶達多行五不更起是諦義從此智不更起不同火輪智六不相違是諦義譬如業及聖戒七文義相稱是諦義何以故言著苦者必苦為義由此七義

名為諦

汝問若以聖故名為諦者前二不應名諦又若言聖家諦故名為諦者義則不定者答諦是聖因能生聖故譬如梵住故名聖諦如經中說四足為聖與義相應復次聖人所說故名聖諦如導師路如經中說若諸如來已正當說皆說四諦問若以聖說名聖諦者凡夫亦說應名凡諦答承佛神力說故成立佛正教故非凡諦如舍利弗行因緣復次聖人故先所了故譬如仙藥復次聖人依真實是故

名聖諦譬如世諦問凡人依不實義見應非聖非諦答無清淨眼則不能見譬如生盲擇真似寶如瞽眼人謬見多月凡夫醉狂不得見此譬如草頭百象復次智習論說以體聖故故說聖諦譬如烏虵赤米復次經中說無上聖慧所照了故故說聖諦汝問復有經說諦唯是一無有第二云何四義而不破壞者答以無倒義故一品類異故四譬如四倒復次由諦義故一譬如聖道事用異故四譬如道分復次法相通故一譬如色相別故四譬

如四大復次無我平等故一無我者一切平等譬如同異復次無變異故依心解脫說諦唯一更無第二何以故苦等聖諦皆有變異如經中說一切有為空虛是破壞法是一真實無壞心解脫如變異相相應皆實不虛四義亦爾是故聖諦有四汝問復有經說一切行法是名為苦故唯二諦四義不成者答分別部說意一切有為法無常故苦不由第一諦義故苦為離此故於世尊所修清淨梵行是名苦諦復當廣說是故四義不壞復次三

苦種說種經一切有為分分攝有為苦者說具足分如依苦苦說苦種苦根苦界苦受等依壞行苦說亦如是依一切受說苦若無常是苦故說一切有為或依行苦說生起是苦有生是苦色生即是苦生或說是苦諦以種種意說苦是故皆不相違復次無變異故依涅槃說一切有為苦苦由故苦相相應故故依四諦義不失汝問復次增一中說安立諸法從一至二乃至眾多云何諦義獨不增一者答義真實故無顛倒故佛說一切皆名為

諦雖一二三名爲增一諦無增一爲分別諦  
觀故說有四爲安立智及相故如四念處如  
前因緣成立四諦是義應知爲知聖諦故四  
知苦有因即得見法如經中說若人見十二  
緣生名爲見法通達出世十六相皆由見諦  
故繫屬因緣是無常義譬如鼓聲以難陀經  
爲證若無常是苦苦是無我若無我是空  
若人知此則得見法通達十六相得滅惑離  
苦以是義故聖諦有四復次最上品故不共  
智境界故故無增一如問復次四相不同云

何一時而得並觀者答由想故經中說修習  
無常想拔除一切貪愛是想境界即是苦諦  
一切貪愛即是集諦拔除即是滅諦無常想  
即是道諦以是義故雖四不同一時得見復  
次由思擇故如經言因無常等想思擇五陰  
貪愛未生不得生已生則滅此中五陰即是  
苦諦貪愛即集諦不生及滅即是滅諦無常  
等思擇即是道諦以是義故一時得見四諦  
復次由觀失故如經云觀結處過失貪愛即  
滅結處即苦諦貪愛即集諦滅即滅諦過失

觀即是道諦以是義故一時見諦復次一時見諦譬如火火者是可燒等物一時燒熟熱照觀諦亦爾害生靜出各各自相離滅證修同在一時復次譬如日日者是可乾等物謂水種闍華各各異相乾熟破開同在一時觀諦亦爾復次譬如燈燈者是可燒等物謂炷油闇物各各異相燒乾破照皆是一時觀諦亦爾復次譬如船船者是可到等不同相物謂彼此兩岸物流到離載斷皆在一時觀諦亦爾分別部說若聚苦相觀達生滅心厭有

為修無願解脫門若觀有為唯有生滅不見餘法修空解脫門若觀寂靜不見有為及生滅相修無相解脫門此中苦相即是苦諦相生是煩惱業即是集諦相滅即是滅諦是法能令心離相見無相即是道諦若見無為法寂離生滅四義達七一時成異此無為寂靜是名苦諦由除此故無為法寂靜是名集諦無為法即是滅諦能觀此寂靜及見無為即是道諦以是義故四相雖別得一時觀後更思量故不廣說持散偈曰

相思擇過失 火日燈船譬 苦相脫門故  
一時觀四諦

汝問婆羅門諦及聖諦有何差別者答世尊  
眞聖眞婆羅門此諦故無差別譬如釋與天  
帝與復次婆羅門諦道諦所攝聖諦者道果

對治道境界所攝復次一向善是婆羅門諦  
善惡無記是聖諦復次唯道是婆羅門諦道  
果是名聖諦汝問云何諸佛於聖諦中同有  
一慧者答通達無餘法相平等故譬如淨眼  
觀色復次證見法故譬如火熱明此事世間

一慧所共證故復次熟磨法鏡故諸佛通達  
法界知此一切三世皆如現在譬如衆多水  
鏡月面影一持散偈曰

兩人一無異 道善果故異 無餘證見故  
法鏡故同慧

汝問云何唯以四諦爲諸佛上品正說者答  
能拔衆生度生死海譬如出世法復次諦中  
最勝故譬如諦勝復次能攝一切諸法眞實  
故猶如勝奢波葉譬復次梵釋等諸天不曾  
見故樂行健力毗搜細天等智足未履故智

勤遠行諸外仙人所得故復次無分別智境界故若能知此一切功德之所莊嚴如舍利弗等及佛世尊復次義具足故由不共故此說功德最勝是故四諦名上品正說汝問云何同觀四諦爲境故智慧平等而果有差別者答不由境同故智慧同譬如定及貪欲等復次由智慧差別故果有差別譬由業差別故果有差別復次修道異故得果不同譬如種子不同果有差別復次觀過失下中上品故得果不同汝問若阿羅漢於四諦中

智同無餘與一切智則應無異若不然者於四諦中應有無明者答阿羅漢不知四諦外諸佛境界非是無明所以者何但有說故若阿羅漢不知四諦外言說非是無明如勝奢波棄譬經說復次佛世尊已決判故於苦等諦不知是名無明不知四諦外四皮陀皮陀分等不名無明復次正對諦智對治煩惱說名無明非是不知一切智者四種別說爲無明何以故自苦一分識相續各各異依約無始生死阿羅漢亦不能見是心如是已生由

如此增上緣緣等及思惟等善惡無記等如是因所生緣所攝在如此地跡位時中次復第二心次復中後心如此方法始自剎那羅婆牟休多日夜半月一月時節年數生變及滅自相續中阿羅漢亦不能見何況能見一切一切種自苦若自苦尚其不見何況能見他苦是故阿羅漢不能見一切智境界四諦中總別非是無明復次離四諦無明對治智境界外復有餘法在聲聞境界有阿羅漢亦不能見如舍利弗言我不見有人天能見知

逸七

十三

我入初定觀及稱量我今我退起唯簡世尊此寂定名乃至目連亦不能解是舍利弗所入所起乃至化度陀難蛇耶婆羅門及其外甥優婆低舍如定智慧辯說修習等他不能及如舍利弗迦葉波亦爾是故離四諦無明等對治是名非智非是無明汝問若一切法四諦中攝勝奢波葉譬經應須救解若不救解應有五諦若無五諦餘法非諦者答自然滅等不出諦外識境界故非所觀故云何非所觀若知此法不得疏盡及苦盡故不離仰

祝外道面故非諸見不能動如帝釋幢若通  
運此不得稱為微細通達如射破髮端不可  
徧行故是故不須修學復次餘論師說一切  
法由相故皆入誦攝雖然皮陀及皮陀分宿  
傳世本量判僧伽瑜伽實廣論欲塵論鞞世  
師論醫方論相論算數論時智論獸論鴟域  
論明論歌舞莊嚴論人舞論天舞論天仙王  
傳等論外道論常行外道等乃至九十六種  
復有草藥藤樹等皮根心華果葉等力熟德  
味等復有世間不可思議希有四大變異業

果報等有論能分別此佛依此論說勝奢波  
葉譬如是等義不為汝說不生功德故能起  
諸惑故增長有為故是故不說譬如毒藥相  
憎藥反質呪幻化皮多羅論等以損惱他故  
佛所不說非為四諦外故所以不說汝問若  
苦等四名聖諦者又說是苦具足聖諦如是  
等經則不須說又若汝言於苦諦是名苦者  
是義不然答是經說智為苦諦如境無分別  
故如說四量復次由境界安立故智得成立  
譬如六識復次由功能故智體唯一約能為

四如四正勤智亦如是復次四聖諦智為總  
故於四諦觀說智為勝由此義故說智如境  
復次欲顯決定出離是四諦功德故隨說一  
苦具足聖諦與義相應若了義說者苦等是  
了義諦何以故佛說苦諦有生等相故安立  
四種觀故若不如此唯有一觀名為修習若  
取此經分別諸諦唯有一諦所謂道諦說無  
為諦故是經非證此義依阿毗達磨及藏論  
故得成立汝問若知一諦亦知餘諦說後三  
諦則為無用者答我不說見苦諦即見餘諦

我說一時見四諦一時離一時除一時得一  
時修故說餘諦非為無用譬如說苦諦復有  
為境界數量故如說道數量復次四中隨知  
一已即通餘諦如知一粒則通餘粒是故四  
諦並皆有用復次入觀門故觀取陰即離捨  
愛念如知怨家取陰者是苦諦愛念即集諦  
諦離捨即滅諦知是道諦依苦觀門其義如  
此知貪愛已即捨由此苦不生貪愛即集諦  
所貪愛即苦諦苦不生即滅諦知即道諦依  
集諦觀門如此知有為寂滅已若人證此無

明即滅有爲貪渴即寂靜有爲寂滅即是滅諦此所離法即是苦諦無明貪愛即是集諦知即道諦依滅諦觀門如此知助道法即生修習煩惱障與其相違即捨由捨此故有更生助道者是道諦有即苦諦煩惱業即集諦捨此及有不生是即滅諦依道諦觀門如此由諸諦觀門故雖復觀一說於餘諦非爲無用汝問云何在先說苦諦者答爲止息苦修四諦觀及出家住於梵行故先說苦復次生老死等衆苦無邊念念恒逼行人觀此求覓

苦因譬如師子復次外緣不能治無始時節是根本病人觀此求覓病因譬如醫師復次徧滿三界災橫疾惱行人觀此求覓其因如尋毒樹復次麤故失故猒惡依止故驚怖處所故故先說苦汝問若未說因先說果者何得不違十二緣生者答生次第故十二緣生先因後果思擇次第故於四諦中先果後因是故二說皆不相違復次果中有迷緣因計果如經言若此有彼亦有由此生彼亦生若因中有迷緣果計因如經言老死等有何

法今有由此義故各有所破皆不相違逆順  
說故二說不同逆說緣生是名四諦是故不  
違十二緣生汝問云何先說滅諦後說道諦  
者答有二種義一順二逆如經中說戒清淨  
為心清淨心清淨者為慧清淨乃至解脫知  
見及明解脫是名順說逆說者解脫者以離  
欲為緣離欲者厭惡為緣厭惡者以實見為  
緣乃至無憂悔者以戒清淨為緣

略說品第二

問四諦次第云何答

麤橫重結取 依道怖事果 病火怨依債  
渴毒逼害境

欲顯麤大境故說苦諦得苦相已此法何因  
生故說集此法盡何處次說滅此法因何得  
故次說道復次無始橫網是名苦橫根名集  
永離橫根是名為滅能拔除者說名為道復  
次極重名苦執重名集捨名滅能滅執名道  
復次結處名苦是結名集結盡名滅觀過名  
道復次取亦如是復次依處名苦世間凡夫  
雖為取陰所害猶起依著如依怨家謬為親

友依所安愛名集因此安愛住三有獄不求  
出離譬如狂囚無依愛名滅無方所依止故  
如瞿提經說能滅依愛名道觀依過故如觀  
燒屋復次六道名苦以無樂故猶如穢廁業  
煩惱名集為道因故離道名滅十七假名物故  
譬如火滅如鹿頭經說能引出諸道故名為  
道如婆羅呵馬王經說復次怖畏名苦我愛  
名集無畏處名滅上實樂故運至無畏處名  
道復次作事名苦事因名集拔除事因名滅  
能拔名道復次似果名苦似種子名集似種

子壞名滅似種子壞因名道復次苦如病集  
如病因滅如無病道如治病藥復次苦如火  
集如薪滅如火盡道如火盡因復次似怨名  
苦結恨名集除結恨名滅能除因名道復次  
似依名苦似塵名集塵淨名滅淨因名道復  
次苦如債集如貧滅如離貧道如財物復次  
苦如燒熱集如燒熱因滅如清涼道如涼具  
復次苦如毒發集諦如毒滅如離毒道如阿  
伽陀復次苦如逼惱集如能惱滅如離惱道  
如離惱因復次苦如殺害集如能害者滅如

離殺道如離殺因復次苦境應集應除滅應得爲此三事故修聖道次第如此四諦體相云何偈曰

似真理足品 有爲相影識 虛妄一切三  
逼有等十二

有諸法師說真似二諦生者貪愛果故名爲眞苦道者業果名爲似苦生因貪愛名爲眞集牽六道業名爲似集生因愛盡名爲眞滅六道因盡名爲似滅能滅生因正智名爲眞道戒等方便能離道因說名似道又理足論

師說識爲眞苦與此相應色等亦名爲苦自愛名眞集與此相應業等亦名爲集自愛盡爲眞滅由此盡故餘盡亦名爲滅正見名眞道若此不生餘不至滅由此生故餘亦名道又假名部說諦有三種一苦品二品諦三聖諦苦品者謂五取陰苦品諦者逼惱爲相苦聖諦者是苦一味集品者謂貪愛集品諦者能生爲相集聖諦是集一味滅品者謂沙門果滅品諦者寂靜爲相滅聖諦者一味爲相道品者謂八分聖道道諦者眞離爲相道聖

達七

十八

諦者一味為相又分別部說一切有為皆苦  
由無常故非初諦故苦為離此故於世尊所  
修淨梵行是苦聖諦一切因皆名集以能生  
故非第二諦故集為斷此故於世尊所修淨  
梵行是集聖諦一切有為寂離名滅由寂靜  
故非第三諦故滅為證此滅於世尊所修淨  
梵行是滅聖諦一切善法皆是道能出離故  
非第四諦故道為習此道於世尊所修淨梵  
行是名聖諦又說熱相為煩惱煩惱及煩惱  
所起業名集若從此有有名集聖諦有生名

苦聖諦如此從第二諦生第一諦若心捨離  
執相達無相界由此因故煩惱煩惱所起業  
斷由此斷故無復因緣有不更生此不更生  
名滅聖諦此法能令心捨離執相證無相界  
是正見等名滅道聖諦如執相餘影似虛妄  
分別等亦如是又分別論中說世尊不依一  
切苦假說苦諦若爾何為為顯無記果執取  
陰性體相故假說苦諦假說苦因法為別離  
此故於世尊所修淨梵行是真苦諦不依一  
切因假說集諦為顯能生假有因性體相故

假說集諦假說集因法爲斷此故於世尊所  
修淨梵行是真集諦不依一切滅假說滅諦  
爲顯輪轉道斷性體相故假說滅諦假說滅  
因法爲證至故於世尊所修淨梵行是真滅  
諦不依一切道假說道諦爲顯能除惑道性  
體相故假說道諦因法爲修此故於世尊所  
修淨梵行是真道諦又藏論說略明苦有二  
種一與憎會二與愛離此二二處一身二心  
因愛三種故則成三苦集諦有三愛見及業  
愛見二惑名爲後集由此已有業麤妙集滅

諦有三一見一處惑滅二欲一處惑滅三有  
一處惑滅道諦有三一見道二修道三成守  
道此三即三根復說苦者逼相集者生相滅  
者寂靜相道者能出離相復說苦者有相集  
者能有相滅者離相道者能離相

分別苦諦品第三之一

何者爲苦諦略說如此已云何廣分別於苦  
聚中云何說生爲初云何爲生云何生相云  
何生事云何生緣生云何苦若生是苦三種  
樂生義則不成生之與起云何爲異阿羅漢

五陰未滅云何說生已盡云何為老云何老  
相云何老事云何老緣云何老苦齒落相等  
不皆徧有苦非不徧云何說老是苦聖諦有  
為不住念念滅故云何有老持散偈曰  
分別初四生 苦三及差別 盡四老并苦  
齒落等念滅 遠七  
云何為病云何病相云何病事云何病緣云  
何病苦若由病故身恒苦者云何不違此偈  
無病第一利 知足為勝財 無疑為上親  
涅槃無比樂

若天道無病一切衆生以病為法此言應救  
正道論說病為業果是業果苦非苦聖諦佛  
說苦名為病又偈說飢為第一病如此二說  
云何為異云何為死云何死相云何死事云  
何死緣云何死苦放逸死破戒死生緣死此  
二何異又有覺無覺死有悔無悔死有放逸  
無放逸死有著無著死有調伏不調伏死少  
分調伏死其義云何五陰念念自滅他害等  
死云何得成云何為怨憎會云何怨憎會相  
云何怨憎會事云何怨憎會緣云何怨憎會

苦若怨憎類有聚會者永不相離此義應至  
云何爲親愛離云何親愛離相云何親愛離  
事云何親愛離緣云何親愛離苦老等聚會  
即怨憎會少壯等離即親愛離更說怨會愛  
離云何非重說耶云何所求不得云何求不  
得相云何求不得事云何求不得緣云何求  
不得苦欲塵即苦至得亦苦求之不得云何  
爲苦以何因緣求之不得云何略說五取陰  
爲苦略義云何諸陰何相陰有何義是色識  
等同有爲相云何說五陰與取陰云何爲異

云何說取陰爲苦陰不名苦陰者何義隨正  
見一苦已即通達苦諦何用廣說諸苦相耶  
經中亦說色樂亦在樂處若取陰是苦經則  
相違云何此經獨說略言餘經說色苦乃至  
識苦取陰復何因緣苦總略義云何

汝問何者爲苦諦略說如此已云何廣分別  
若答有諸弟子樂略正教如舍利弗等開智  
受化是故略說有諸弟子樂聞廣說如難陀  
及弗迦婆等廣分別智故爲廣說得次有諸  
弟子因力最彊如大迦葉已增長善根故爲

略說緣力弱者如苾提等未增長善根故爲廣說復次利根如鶻崛摩羅等故爲略說鈍根受化如蛇奴等故爲廣說復次多聞弟子如阿難等能持聞藏是故略說少聞弟子如周羅般陀等智慧鈍弱故廣分別說復次當聖言勝德如離婆多等數習內觀故爲略說未有聖言及勝德如闍那等未習內觀爲廣分別說

出世法以戒爲初如是老病死等生爲足所故說生爲初不相離故復次由生能故若生已有老病死等能害身根心等譬如火若火已成則有燒熟照等非不有火生亦如此是故先說復次不相離故假使衆生得離老病退七決不離生以行苦故是受果故道所治故故先說生復次平等過失故一切衆生同受生害譬如無常殺鬼復次隨逐一切有分故生者徧無明等十二有分譬如毒乳復次徧三界故生者徧三界如牛同異故先說生復次

苦根故生者根苦老病死等爲枝葉苦如經中說一切諸苦以生爲本以生爲因如經廣辨故先說生持散偈曰

苦始能不離 等失隨有分 徧三界苦根是故先說生

云何爲生者答偈言

生五經等說 得陰初續心 生分與諸伴

胎位及五種

釋曰如經阿毗達磨藏論十二緣生等心思擇論中廣說生應知復次業增長品隨眠爲

伴引接生因緣法聚集所得種種衆生處得陰入界等是名爲生復次臨續生時初識受生是名爲生如經說由識入故名色和合若說生次第識初起名生復次餘論師說生分初識與伴俱起是名爲生復次生有多種謂柯羅等胎位差別乃至出胎如受生經說復次生有五種如偈言

卷七

十三

得聖法名生 胎位姓家成 聚同異及有

唯有名爲生

釋曰得聖法名生如經中說已免奴位從我

口生復次有已生聖法律中如鶖崛摩羅經說復次住胎位名生謂柯羅邏頻浮陀伽訶那等譬如種子芽莖枝等復次姓家成名生如金寶等刹利等生復次聚同異類名為生形相有異謂人象馬等譬如婆羅多羅等樹復次有名為生謂陰入界等有是名為生如說有華有子等此論唯說有為生何以故本故貪愛果故故言唯有名為生云何為生相云何為生事云何為生緣者答有顯是生相種種苦為事業有為生緣云何苦者答三苦

火所燒故是愛生處非所愛樂非福行果聚同異類苦苦所燒所受生處是所愛樂是福行果聚同異類壞苦所燒所受生處不動行果聚同異類行苦所燒譬如野火燒繞大樹故說生苦復次眾苦所依故若有生者身心眾苦之所依集非不生時譬如鹿苑眾仙所依復次陰入界等有顯名生處處生已斫破刺譬解拆分離墮失等苦平等隨生以無常怨不可遮故如王子境及以坏器故說生苦復次生者是諸苦藏憂悲惱生非苦根本老

死因緣諸病發起痛入失類諸惡依止礙壞  
所踐疲極城門怨具庫府煩惱續流此生是  
闇非燈可治深坑難出無火大燒是怨難覺  
是枉不疑是痛無藥是縛非繩棘林無道無  
有光火嬰兒讚嘆慧人毀訾樂有所愛諸佛  
菩薩引大悲因有學所離無學除盡諸佛自  
覺立名為苦故說生為苦復次胎位苦故臨  
受生時赤白和合有識來託受雜穢苦次柯  
羅邏頻浮陀伽那卑尸等位受轉熟苦如癰  
熟苦既堅實已身分生時受迫大苦如大家

苦在胎卧時兩藏重逼譬如罪人下蒸上壓  
受大困苦由母飲食威儀失度若走若踣若  
行咽水伸屈役力被打痛惱服相違食由此  
威儀飲食故肢節如解受種種苦如犯王法  
受諸拷楚故生為苦臨出胎時其身柔軟如  
芭蕉心產門迤逼如壓油車受壓迤苦又初  
出胎時身如新瘡手水衣觸如熱灰灌如刀  
劍解受難忍苦故說生苦若生是苦三種樂  
生義則不成者答為分別業報異故為安三  
界差別故為顯有三受故由此應知三安樂

生行苦所攝故是苦諦故苦所逼故苦眾多  
故故生是苦復次有福行果故有三樂生如  
偈說

福德果報樂 隨意得成就 速得最寂靜  
如願般涅槃

無常惡毒所雜故苦如雜毒食雖具百味色  
選七  
香觸好若有食者決得死報一切生死亦如  
廿五  
是雜無常毒故說為苦復次為生時樂住時  
樂故說樂生此安樂生壞時苦故聖人厭此  
壞苦如憎糞穢故說生苦生之與起云何為

異者答化生一名起餘三名生復次入胎名  
生出胎名起復次有分次第生名生一時具  
生名起藏論中說生者屬識託胎種子故起  
者屬業能散置識諸道中故阿羅漢五陰未  
滅云何說生已盡者答有既滅故說生已盡  
復次因緣滅故此生無後生法故說生盡譬  
如由貪愛滅故說苦諦滅復次為拔除生根  
本說已盡譬如樹已斷根故雖富華葉等  
亦說已滅生盡亦爾復次當來應盡故說生  
盡譬如山頂棄擲坏器雖未至地已說其破

生盡亦爾故說羅漢生盡云何爲老者答少壯減次第度位四大衰損諸行變異身緩節疎色形羸醜諸根羸弱念識智行無所能爲歸向死門是名爲老復次微細過根徧入物中後時方了減損變異此法名老何以故老若入齒則現落相若入皮中皮則緩皺百種黧黹若入毛髮則現脫白若入四大則疎弱若入根門則根無力若入身形體戰動舉止不安若入於心心則掉蕩忘失憶智若入背脊則僂屈若入肢節肢節蹉戾少壯

軟滑悉皆失故現故壞相復次老有二種一依減失二能依減失一依減失者諸大血肉骨骨髓等稍就減失由此減失得相似果謂走跳踣洎伸屈去來勤力擔負等並皆損失二能依減失者謂眼耳等根見聞等用皆不分明由不分明得相似果逸七念智意減廿六心地勤力擔負等並皆損失如經及藏論十二緣生論中廣說是名爲老云何老相云何老事云何老緣者答減變熟壞故等名爲老相少壯損失軟滑去離憎惡事來名爲老事陰界入

生是名老緣此老又爲憂悲等之處云何老  
苦者答此能生衆生憎惡相已奪可愛色勤  
力增智引就死王如犯王法禁伺剝削付殺  
者處老亦如是故說老苦復次衆生辯言身  
力根能取持思量棄擲識及智力無間無瞬  
老日逼奪如熱時日解脫五翳盛光普照小  
坑淺水皆悉乾竭老亦如是故說老苦復次  
老者令色形醜陋能奪愛德除滅少壯及無  
病樂勤力擔負念智忍門思識悉能損奪諸  
根羸弱無復勢用如羅刹女吸人精氣趣向

死處故說老苦復次少身蓮華親心所愛色  
形端正悅他心眼爲老霹靂之所變異卷縮  
破壞自心不悅他人憎惡故說老苦復次能  
壞身根念智故說老苦由身壞故行住坐卧  
屈伸轉側等皆不自在由根壞故見聞嗅嘗  
觸等皆不分明又有說言我聞逸七不明還似嬰廿七  
兒由念壞故更事不憶不了所說曾見不識  
本故說爲老猶如行相又跋私弗部說有爲  
諸法實有暫住此住有異是有爲相說名爲  
老如經中說此身得住百年或說有四識住

以是義故說名爲老苦有爲法實念念滅少壯壯不成亦無命根云何爲病者答曰身界不平等生長乖違不平等生長時說名身病若平等時說名無病如佛世尊因耆婆說如來身界今至平等復次自性更互相違不識恩養身界毒蛇觸忤名病復次病有二種一身二心身病復有二種一因界相違名緣內起二因他逼觸名緣外起是身病者由名因處有差別故品類多種名差別者謂漏癩癰疽氣味腫癰瘡風狂等因差別者謂瘵風膽

及等分病或單或二或三或四如是瘵等有六十二爲病家因處差別者謂頭眼耳喉心腹等是名身病若廣解者有四百四心病者因邪妄起謂憂煩等此病亦有二種一緣內境名內門惑二緣外爲境名外門惑由名因處有差別故品類多種名差別者謂貪瞋慢癡見疑諂曲欺誑等因差別者謂淨相失相有無等相爲心病因處差別者謂色等六塵如經說色愛乃至法愛此中所明但論身病不說心病云何病相云何病事云何病緣者

答病者逼惱身為相苦憂為事本界不平等  
是緣云何病苦者答世間聰明人隨其自能  
欲有造作由疾病故並不成就違願故苦是  
故疾病能為苦因如火為燒因日為光因老  
死等亦爾為苦因故苦復次能害本故故說  
病苦譬如蕉竹蘆葦復次生痛受故能害命  
際今壽終故如火毒伏故說病苦復次苦苦  
所攝故生及相續中眾生不能忍受譬如象  
子落野火中是故病苦復次不得自在故若  
人遭病於四威儀及想皆不自在其身低垂

不能伸屈行動等事譬如木人關節斷絕復  
次能捨壽命故如人遭病不能忍痛求火毒  
服自捨壽命譬如陀尼柯羅漢復次一切何  
方便不可療治來命必終故故說病苦譬如  
頻底仙人斷刺湯藥復次所憎厭故逼害為  
性起長無明故智慧恐種故因苦為體故不  
安依處故無學墮忘由智壞故選擇取捨之  
所遠離不識是事非事猶如愚人以此義故  
故說老苦如大德佛陀蜜說諸佛世尊無量  
數劫生長善根具足十力有十自在勝破四

魔得四無畏平等能觀一切方便秋時淨空

圓月可愛那羅延堅固身節身力形皮膚等

相為老所損故說老苦此義佛在阿羅毗國

優陀夷比丘依佛說偈

惡老汝可患 侵汙愛娼色 是心悅眾心

由汝故變異

遠七

并七

四諦論卷第一

音釋

翅施智切 辨妍典切 鞞頻眉切 鷄么加切 辟厄博切

也鉞 汙徐由切 浮鋪枚切 未皮側救切

剝魚啟切 斷足也 坏燒陶器也 皺皮皺也

四諦論卷第二第三同卷

逸八

婆

藪

跋

摩

造

陳

三

藏

真

諦

譯

分別苦諦品第三之二

齒落相等不皆徧有苦非不徧云何說老是

遠八

苦聖諦者答徧滿三界諸行變異說名為老是苦聖諦如壽命滅如經言一切衆生以老為法復次諸天身形微妙稍損變害前後異故非無有老細故難知猶如其身復次住前後異是有為相徧滿諸行說名為老如牛同

異有為不住念念滅故云何有老者答一切有為法剎那剎那滅實無有住依相續住故說老相如江燈雨是江水流念念不住見相續不斷世人說言此江流急或言江長燈雨亦爾復次生死中間說名為老何以故初五陰起是名為生最後陰壞是名為死是二中間諸陰變異病對治故死生校具故說病為苦若由病故身恒苦者云何不違此偈無病第一利等答冷熱等病來逼迫故說身恒病免癩漏等重疾病故遊戲威儀讀誦思修有

力有能故依此身說於無病爲第一利復次  
行苦人所然故說身恒病暫離苦故說無病  
爲第一利復次恒治助故說常病身界暫調  
故說無病爲第一利若天道無病一切衆生  
以病爲法此言應救答陰生爲苦徧滿三界  
是天道病如經中說色生是苦生諸病依處  
故如色餘陰亦爾又經說比丘若說病者是  
五陰別名乃至癰刺等又餘師說天將退時  
身心麤動是名天病正道論說病爲業果是  
業果苦非苦聖諦者答是業果報不離愛果

是故說業果報即說愛果貪愛不離業故如  
燈與光業愛我見識果苦爲性故苦諦所攝  
故不相違佛說苦名爲病又偈說飢爲第一  
病如此二說云何爲異者答若說病苦重中  
輕病皆悉被攝飢則不爾故二說有異復次  
不可治故說飢爲第一病何以故飢苦難治  
治不窮故如間日瘧病若眼病等則不如此  
復次無止際故是飢病者從生至終永無暫  
息餘病不爾復次飢病恒須治故如朽弊屋  
相似無病如怨詐親徧一切處故搏食衆生

並患飢苦如地獄品說是故飢病最爲第一  
云何爲死者答命根斷絕說名爲死徧一切  
衆生故由有火大能消飲食身界毒蛇相乖  
違故其性盡滅由此滅故諸根無食隨火而  
滅心及心法根爲上緣以根滅故心法隨滅  
煖命及識捨離身根是時名死如偈說  
煖命及意識 若捨離於身 眠屍橫在地  
如枯木無知  
復次同聚所得陰界入等相續斷絕是名爲  
死死有二種一自性死二橫死自性死者復

有二種一由業盡二由命盡橫死亦有二種  
一者自橫二者他橫復次死有三種一隨剎  
那死二橫死三因盡死隨剎那死者從託胎  
已來乃至柯羅邏等十一位無瞬無息剎那  
謝如偈說

從初夜衆生連入 愛託住於胎三 無礙自然去  
一向往不迴

又如經說比丘汝等剎那剎那生老及死是  
名隨剎那死橫死者毒火刀仗等自作或他  
作因此命根斷是名橫死因盡死者感長壽

業盡滅無餘是死真實唯羅漢有猶如燈盡  
是名因盡死云何死相云何死事云何死緣  
答命根斷絕是名死相捨離本道是名死事  
生為死緣云何死苦者答怖畏苦故是人臨  
終為死金剛之所破壞應往他方非所究悉  
將離親友我之愛熱所護身屋崩破壞時永  
離所作生重怖畏故說死苦復次火燒熱故  
若人曾經作惡不樂行善將命終時破戒因  
故見未來生惡道相現起大憂悔身心焦惱  
如死法經說故名死苦復次劇胎苦故是人

在胎中時恒受重苦或母飲食相違威儀疲  
極他所逼苦雖受大苦而不失命若死苦來  
頓奪前苦命根即絕出胎亦爾雖受大苦亦  
不失命死苦若來奪此生苦命根即滅復次  
在少壯位受用六塵不知厭足與所愛親共  
住未久由少壯無病性力自在財物勝故恒  
起醉慢是時若死其苦無比若人過少壯位  
財寶巨富穀帛資生皆悉具足或被王重罰  
或遭困病作是思惟我必應死其心已決眼  
滿熱淚咽喉噤塞觀愛親屬目不暫瞬死至

將去何苦劇此是死至者如大山來行四方  
便亦不能制如大力怨不可摧伏食噉一切  
如馬口火燒曝一切如劫末日一切衆生所  
不能度如海水動不能過岸如金剛霹靂碎  
五陰山如大猛風拔倒身樹如迦樓羅吞噉  
陰龍如飲味鬼伺人過失如大怨賊恒奪命  
寶如重罪人心無安樂如惡國王重罰難謝  
如春等時必定當有以是義故說死名苦故  
逸死破戒死生緣死此三何異者答慧命斷  
故名放逸人死戒清淨命破裏失故名破戒

人死壽命根斷故名生緣死復次退墮正法  
名放逸死失比丘性名破戒死退聚同分名  
緣生死又有覺無覺死有悔無悔死有放逸  
無放逸死有著無著死有調伏不調伏死少  
分調伏死其相云何答行善凡夫聖及菩薩  
正起憶念捨壽命根名有覺死異此名無覺  
死破戒人死名有悔死持戒人死名無悔死  
由五醉故不恭敬行法律學處名放逸死異  
此名不放逸死於父母妻子等起愛著心而  
捨壽命名有著死異此名無著死阿羅漢等

在六恒住調伏六根捨壽命根名調伏死行  
惡凡夫散漫心死名不調伏死有學聖人捨  
壽命根名少分調伏死五陰念念自滅他害  
等死云何得成答諸陰實念念滅相續恒流  
依相續故他害等死得成如約相續故說燈  
滅復次諸根無事能故譬如破餅復次壽命  
根壞故有人說言壽命根非剎那剎那滅何  
以故若念念滅壽命亦無時死非時死他害  
死等皆不得成三種病亦不得成是故命根  
非念念滅云何爲怨憎會者答怨憎親愛不

定故若塵是所憎怨是其聚會亦是所憎如  
人於豬食外曰若爾苦諦不成立以不定故  
答不爲怨親塵不定故怨憎會所生苦不定  
如境界不定生善則定惡亦如是怨憎會苦  
亦復如是復次宿世惡業相似果聚集名怨  
憎會立名爲苦復次怨憎會苦者約苦受及  
資糧說何以故一切衆生愛樂憎苦故是受  
會名怨憎會復次惡友共聚多過失故名怨  
憎會苦如偈所說  
與惡友共聚 非聚多過失 是功德最大

離則無憂悔 善友共聚價 我思難判決  
分離時是苦 是共聚等價

復次修淨戒人觀細失怖畏犯受惡戒事是  
其怨憎生悔熱故惡覺觀起是修行人憎怨  
能枯滅善法故煩惱燒然是聖人怨能逆心  
靜故此中說惡業法煩惱果相應是名怨憎  
會云何怨憎會相云何怨憎會事云何怨憎  
會緣者答非所愛聚為相心憂為事業煩惱  
為緣云何怨憎會苦者答逼惱為體故如惡  
隣里為苦因故如獸見狼逼身心故如毒刺

在體瞋恚緣故如見本怨無安因故如無憂  
王傳復次與種種重苦品類相應能害自身  
故如阿難宿傳非愛相應多生求欲求欲因  
緣生種種苦如偈言受苦人求復次由惡友  
故生大驚怖如鹿見獵師如人坐卧天衣所  
覆寶牀燒赤鐵鍼以刺其身身心戰動生大  
困苦是故名為怨憎會苦若怨憎類有聚會  
者永不相離此義應至者答一時境界性用  
相續共生當知諸法恒相聚會怨憎聚會異  
此義故難不得成復次苦受是名怨憎此受

不離於心如是義者順難答如經中說如攝有多種會義亦然如持散偈言

一分具分心 道用類相應 勝處及自性

經說名法攝

如攝有多種會亦如是謂一境不相離相對相著等是故此難違順皆得云何爲親愛離者答是親愛塵或名衆生或非衆生與其別離名親愛離復次少壯無病壽命家色形富貴自在親友相離亦名愛別離復次善業果報六入觸攝是退失名愛別離如退天道復

次樂受破壞名愛別離何以故此樂受是愛著處由此愛著於色等境亦生愛著是樂受伴謂想行識等亦所愛著若論實義唯樂受壞名愛別離云何親愛離相云何親愛離事云何親愛離緣者答離愛類爲相心憂悲爲事遭敗爲緣云何親愛離苦者答因愛別離是諸衆生憂悲內然猶如空樹野火燒復如經說若天退墮愛別離苦劇於地獄如目連宿傳復次若衆生疑聞見憶念親愛別離憂悲苦生是故名愛別離苦復次父母妻子所

愛眷屬別離因故如併失財懊悔失心如著  
鬼狂謾語啼哭悶絕顫掉如臨死人如失王  
位重苦所逼如無識無知癡亂默然如船舶  
破沒憂悲海故名愛別離苦老等聚會即怨  
憎會少壯等離即親愛離更說怨會愛離云  
何非重說者答老等聚會少壯等離如此二  
苦羅漢亦有唯無憎會如偈  
若一切永無 怨憎及親愛 無憂無染心  
是人得涅槃  
以此義故不名重說復次由老病等無分別

苦與羅漢共如前偈說惡老汝可患等怨憎  
會苦及愛別離因分別起皆屬心苦未離欲  
人則有此苦復由老病等名依內苦怨會愛  
離名依外苦故非重說何所求不得者答遠  
離苦與苦不會則得歡樂與不相離求此不  
得名求不得苦復次與生老病死等諸苦求  
不相會而不能得是生定法故名求不得  
苦復次求與怨憎不會親愛不離既不能得  
故名求不得苦外四此苦在前二苦已顯現  
何用重說答非所愛共聚名怨憎會是所愛

分離名愛別離今求怨不會求親不離翻前  
二種立此爲苦故非重說復次已得未捨與  
所憎塵共聚名怨憎會已得未捨與所愛塵  
不得共聚名愛別離未得未捨是所愛塵求  
不能得名求不得苦由三世安立故非重說  
云何求不得相云何求不得事云何求不得  
緣者答求不得者違逆意欲爲相以憂渴爲  
事現無功用宿不作善爲緣云何求不得苦  
者猶如如意餅等破故失求王位等願復次  
苦因緣故是所求欲五塵由不能得欲火所

然如述波伽等燒然成灰故名求不得苦復  
次三時中能生苦故是所求利我應不得今  
不得已不得由此生憂悲等苦故名求不得  
苦命塵即苦至得亦苦求之不得云何爲苦  
者答以不定故得者未必皆苦何以故若得  
信根不名爲苦復次是厭憂依止故求不得  
者能生求者厭惡憂惱心得五塵利則不如  
是是樂想故復次如少壯身老爲後故說名  
爲苦如是得五塵利敗爲後說名爲苦如取  
陰爲苦依止說名爲苦得五塵利說名爲苦

義亦如是以何因緣求之不得者答因緣不具故譬如種子若無有緣芽不得生由宿世慳吝嫉妬邪見瞋故壞大家因今求不得如鬱多羅比丘等宿傳因惡法故離苦受樂求不能得譬如阿鼻地獄衆生求不得者略說三因一無宿世善二自無功用三他不愛敬云何略說五陰爲苦答爲攝初中後苦故生爲初苦死爲後苦老等憂悲等名爲中苦復次爲攝有間苦故有間苦者如老病死等無間苦者恒隨一切有分復次爲攝各各自相

無邊衆苦故說五取陰名通相苦何以故諸苦別類無邊故假使如來於無量劫廣說苦相亦不能盡復次生等諸苦如火五取陰如薪如燒然經說復次五取陰爲生等諸苦田地何以故取陰生苦名生取陰變異苦名老取陰逼惱苦名病取陰破壞苦名死取陰非愛聚苦名怨憎會取陰親離散苦名愛別離取陰所須不遂名求不得略義云何答有三種一多二異三一處謂三世分散種類不同攝在一處故名爲略復次略有二種一義

略以一義攝多義譬如真實二名句偈略能攝略義如真寶器如是苦有多義多名但以一義一名攝之皆盡說名為略問諸陰何相陰義云何諸陰同一行相云何不立一陰陰及取陰二種云何答如是等問五陰論思擇品中已廣分別問云何說取陰名苦不直名陰苦答欲分別諦有四相故說取陰為苦若直說陰是苦則二諦不成何以故明陰戒定等五陰皆成苦諦故問取陰何義答愛欲是取義此陰能生取為取所生與取相應取所

隨逐能有取故故名取陰問隨觀一苦則通達苦諦何用廣分別諸苦相耶答行人須廣觀眾苦生厭離心生厭離心已能觀通苦得入正觀為此用故應須廣說復次為分別生老等苦生思擇智得此智已觀苦一義決無分別智因此得生此智以平等為境不勞功用自然而流無有覺觀名第八智依法境生如寶象譬問如經中說名為樂是樂依止云何而說取陰為苦答如偈言  
執對治樂故 顛倒欲故樂 經說為苦故

正見故無樂

此義如五陰論廣說於輕品苦中及苦對治中起於樂想實唯是苦問此經中云何略說餘經廣辨色爲苦答爲多聞慧人是故略說取陰爲苦若無聞慧則爲廣說色取等爲苦如是爲見光未見光人故廣略說問云何說取陰爲苦答苦盛逼故人處七寶樓種種嚴飾可愛五塵能悅其心生大歡樂小針所刺卽生苦受忘失前樂如鹹酸味復次苦最多故謂老病死愛別離怨憎會求不得憂悲

苦惱覓守失苦逼害苦等取陰中最多樂少虛妄如壞井水問略說八苦其義云何答衆苦依止故生名苦能令變壞故老名苦能逼困身故病名苦能滅諸根故死名苦非愛共聚故怨憎會名苦可愛相違故愛別名苦希望不遂故求不得名苦是衆苦相故取陰名苦譬如射棚復次有者是真實苦有卽是生生是何法謂名及色色爲老病死所害名爲別離怨憎會求不得苦所害取陰爲衆苦所害復次老病死名爲身苦以無分別故愛別

離等三名爲心苦由分別起故生及取陰是身心二苦復次由生說行苦由死說壞苦所餘五句說名苦苦此三苦以取陰爲由復次取陰有起名生六道出現故身變熟名老以萎悴故身界不平等及憎長名病令相違故命終陰壞名死離本道故非愛受因共聚怨憎會乖意相應故愛受因相遠名愛別離與愛不共故所欲不遂名求不得如願不成故爲一切苦種本由故取陰名苦諸苦自生無功用故婆藪跋摩法師分別苦諦品究竟

思量集諦品第四

說苦諦已云何次第說於集諦集者何義云何自問及答是渴愛何者渴愛何相何事何緣是渴愛是言勝義云何渴愛即集此言自足說渴愛已何用復說能感後有能感後有其義云何能感後有決定喜欲相隨處處愛著云何作多種說喜欲何義隨義云何處處愛著重言云何有諸別惑能作集相云何但說渴愛爲集何因獨說渴愛爲集不說諸業若貪愛等亦是業煩惱集云何但說苦集耶

無明緣觀味緣三受緣等愛其異云何已說  
四大觸名色各為諸陰因復說渴愛為因此  
二說云何不相違渴愛無明我慢業食皆為  
苦因此等異相云何喜欲欲等其義云何藤  
林等是貪別名其義云何

汝問說苦諦已云何次第說集者答已決心  
信果未識信因令識信因故次說集為顯苦  
諦隨屬因緣復次為受化者迷十二緣生故  
說苦諦依因緣生復次苦諦猶如機關隨屬  
因緣故自性羸弱及無我相復次世間貪愛

堅鎖之所繫縛不能出離生死牢獄故顯所  
縛能縛復次有諸眾生作如是計此苦諦者  
無有始終難可除滅由此執故不修正勤是  
故佛說苦雖無始由因緣生故可除滅譬如  
種子故應修正勤汝問集何義者答平等聚  
生是名為集離此三義則不成因復次令起  
有本泉源能成能現遮因緣是名集義汝問  
云何自問及答者答有諸弟子不懈怖畏定  
心護此三事故佛自問答者為破難邪因顯  
立正因有諸異執謂梵王自在及天人時性

四大空隣虛等以為正因爲破邪執欲顯正  
因故佛自問答復次於十二緣生等諸經已  
說多種集有諸弟子未知此經定以何法爲  
苦集故佛自問答爲欲令得決定智力復次  
爲覆智受化不通達略教中義爲令開覺故  
佛自答復次爲勝智受化覺觀多故不執持  
令智堅固故佛自問答復次爲了智受化令  
得決定智力故佛自問答復次爲分別智弟  
子令得了別猶如然燈故佛自問答汝問是  
渴愛何苦渴愛何相何事何緣者答是諸衆

生恒觀有爲法功德依有用資糧心無厭足  
故名渴愛如飲鹹水如人盛夏晝日光照熱  
渴所逼周徧覓水來飲鹹海鹹海有竭此渴  
無盡如是世間凡夫常爲生死資糧愛欲焦  
然其心邪妄分別令生熱渴一向專求五欲  
快樂眼耳身識及心憶持所受用物已得未  
得永無厭足故說此法名爲渴愛復次不知  
厭足名爲渴愛如火草薪華果酥蠟等是所  
燒然於取類中無有厭足世間凡夫貪愛然  
心於人天中上妙五塵念念受用不知厭足

如頂生王復次渴愛類見性別異故各為二  
種類異者於取陰中起我執我愛是名緣內  
類貪於非取類中起我所執是資糧愛名緣  
外類貪見異者依因有見願有勝生是名有  
愛依無有見願樂我斷名無有愛性異者貪  
愛倒起覆藏為事猶如雲網故名上心貪愛  
為睡眠隨逐為事猶如鼠毒名離心愛復次  
渴愛因依緣業別異故各為三種因異者願  
樂未曾得塵是愛名求覓苦因於已得塵心  
生貪著是愛名守護苦因於已失塵心生懊

惱此愛名憂悲內熱苦因依異者謂眾生處  
所受具眾生者樂得未來陰求欲生故名依  
眾生愛處所者樂三有道常求此處名依處  
所愛樂好聲觸色味香等塵境界求欲受用  
名依受具愛緣異者謂貪愛能作煩惱業苦  
緣及緣此三起業異者謂平等不平等相續  
渴愛平等愛者依道理求覓受用名平等愛  
翻此名不平等愛相續愛者睡眠貪愛無始  
相逐名相續愛復次渴愛取道對治資糧別  
異故各為四種取異者於欲界中欲喜迷悶

渴愛貪著名為欲取於我言見戒等中渴愛  
著亦爾道對治異者謂四聖性所對治故資  
糧異者謂飲食衣服卧具醫藥復次渴愛依  
三受別異故為五種於樂受中生二種愛謂  
聚集愛及不相離愛於苦受中亦生二種謂  
不聚會愛及相離愛於捨受中起無明愛復  
次渴愛以事異故離為五種謂未得求待以  
願為事二生願樂已求覓為事三求覓得已  
增長為事四增長已守護為事五既守護已  
後時失壞憂悲為事復次渴愛依五陰故五

依六根故六依六根各有三受故成十八復  
次依結及離結故三十六如是等是貪愛樹  
隨眠為根我愛資糧受為身軀三界貪愛為  
其高大六愛聚為枝愛行為茂葉八百愛為  
華生等為惡果如此渴愛為苦集因為苦生  
因名為渴愛此中應知渴愛相者心喜為相  
事者無厭足等十一種為事緣者觀有為功  
德為緣汝問是渴愛是言勝義云何渴愛即  
集此言自足者答渴愛多種若能感後生乃  
是定集餘則不取若不爾者聞正法等亦應

遠八

十五

爲集復次是渴愛能感未來有若不能感則非所取復次是渴愛若與喜欲相隨則名爲集若不爾者則非所取復次爲欲簡除似集諦法故言是渴愛復次是守爲顯證量如現世苦因渴愛生證量所得當知去苦生不離渴愛如郁伽長者經說汝問說渴愛已何用復說能感後有者答渴愛者此言未了故說能感後有顯定渴愛若但說渴愛是集則阿羅漢渴愛水等亦應是集若有渴愛能爲滅渴愛依止亦應成集汝問能感後有其義云

何者答能令識等陰著後有故何以故我及我所是所執處如是渴愛能令識等執著此處如塵著濕衣種子著濕田復次能生未來有故如母生子復次能爲未來生食故如識食觸食復次能引能愛故故說能感後有又有往昔耆舊諸師釋佛說渴愛有四因緣能感後有一能使相緣如經言隨眠貪愛未被拔除是苦恒生恒續猶如龍池二能攝諸道故如經言比丘若於色等境界起貪欲愛著是識隨依色住受想行亦如是三能結能續

如經言能結能縫不捨境故令未來世三有  
得生四能令受生如經於此四食處若有愛  
欲名色即生汝問能感後有決定喜欲相隨  
處處愛著云何作多種說者答此三句皆是  
渴愛別名譬如人手名為顚悉多亦名柯羅  
亦名波泥復次果伴境界別異是故多說能  
施未來果故說施未來果故說能感後有喜  
欲為伴故說喜欲相隨取種種境故說處處  
愛著復次有法但感後有不與喜欲相隨如  
隨眠貪愛有法但與喜欲相隨不能生有如

不隨界貪故應具說多名汝問喜欲何義者  
答喜者於有資糧中心生安樂說名為喜樂  
此中生欲名為喜欲譬如色欲復次喜種類  
欲名為喜欲譬如寶餅復次是樂有染名喜  
心著名欲合此二種故名喜欲譬如名色復  
次喜欲更互相生故名喜欲如菴羅子等汝  
問相隨義云何者答共義名隨此隨眠與上  
心為伴能生後有復次外愛共行故說內愛  
與喜相隨譬如愛取復次隨者得地為義復  
次分別部說相隨有四種一境界相隨二相

應相隨三間雜相隨四緣起相隨境界相隨者如經說若人起覺觀分別與色相隨相應相隨者如經言此心與慈相隨間雜相隨者如經言是人修習信根與慈相隨復次有經說染著憎恚相隨思惟相隨緣起相隨者如經言修習正見與無放逸相隨此論所明喜通入欲即是間雜相隨汝問處處愛著重言云何者答於三有中愛著種種諸界於諸界中愛著種種生處於諸生處愛著種種衆生聚於衆生聚中愛著種種諸根於諸根中愛著種

種諸塵於諸塵中愛著種種諸業復次心猴行境不定恒樂取塵隨逐渴愛種種諸有及有資糧由隨攝捨處處愛著復次觀著求處行不定故如偷稻牛復次棄取餘塵亦不離欲譬如五囚人母故說處處愛著汝問有諸別惑能作集相云何但說渴愛爲集者答爲最勝故若渴愛王所至之處一切惑衆皆同聚集復次由渴愛攝故若渴愛不令餘惑噉味餘惑則滅若諸惑不起貪愛亦不起何以故無分別依故復次設無餘惑但有貪愛生

死亦起如手搏濕沙復次難分別故由此渴  
愛亦入善法但觀口欲如內怨家復次至門  
不入故如阿那含至涅槃門由貪愛故不能  
得入成上流人間無明亦勝何故不立答不  
然無明盲人由渴愛故墮陰坑苦譬如盲象  
求欲後生故受來報不由無明譬如生盲入  
諸門以是義故說渴愛為集汝問何因獨  
說渴愛為集不說諸業者答煩惱勝故何以  
故貪愛等是實生因業不如此云何知耶業  
雖具在為貪愛盡故諸阿羅漢無復後生前

來已說有真似集貪愛等能為有因故是實  
集諦業為引有因故說為相似集復次貪等  
由道所滅業則不爾何以故諸佛等究竟修  
道已猶聞有殘業在復次業不墮界故不名  
真集汝問若貪愛等亦是業煩惱集云何說  
但為苦集者答有如是義此中為立四諦故  
諦為苦集何以故於聖諦中簡擇真實因故  
說渴愛等為苦諦集復次有及生陰渴愛為  
集是渴愛於現世中與生等諸緣共作煩惱  
業集不如渴愛獨為苦集故但說渴愛為苦

諦集復次定以隨眠渴愛為苦諦集為顯此  
義佛說偈言

如樹根未拔  
苦體恒相續

雖斷猶更生  
隨眠愛未除

約緣內渴愛說緣愛起取約緣外渴愛說緣  
取起求覓業汝問無明緣觀味緣三受緣業  
愛其異云何者答經說無明為愛緣此愛為  
煩惱緣起緣說觀味見境起常邪等見因此  
起愛是愛為業緣起經說由貪愛故得三種  
受是愛為受緣起復次一切煩惱無明為緣

此貪愛緣無明起故說緣無明愛一切諸見  
為諸業緣緣此諸見起貪愛此愛名業緣愛  
一切諸苦三愛為體緣此起愛名苦緣愛復  
次不信了為因名緣無明愛觀有為法樂常  
等味邪智為因名緣觀味愛餘類為因名緣  
受愛此愛為緣起及果有三由境界有六汝  
問已說四大觸名色各為諸陰因復說渴愛  
為因此二說云何不相違者答為顯有因故  
說渴愛有已為顯等分因故說四大為顯種  
種因故說於觸為觸不一故受有三為堅信

因故說名色如大緣生緣說阿難若識不許母胎是迦羅邏得結實不不得世尊阿難若無迦羅邏是識能託胎不能世尊由此二法更互相持故得堅住復次無始時因名得愛一期因謂四大剎那因謂觸及名色具二因謂宿世因及現功用因復次五陰宿世因謂渴愛於受生中四大爲初因如迦羅邏爲頰浮陀等因俱起因名觸先時及俱起因名爲色汝問渴愛無明我慢業食皆爲苦因此等異相云何答渴愛爲無別異因業爲別異

因食爲引持苦因無明及我慢爲一切因復次渴愛能爲有因業爲道因食爲平等因無明及我慢爲更互因復次渴愛爲苦真正因是苦根本故所餘因爲資糧集助貪愛故汝問喜欲欲等其義云何答塵已到故心生歡喜由喜生愛故名喜欲求未得塵名欲因此生愛名爲欲欲汝問藤林等是貪別名其義云何答欲塵爲境界能染於心故說欲染貪著四定及果是名色欲貪著三摩跋提及果是名有欲能障涅槃行說名爲刺能燒熱心

說名欲火能垢汙心說名欲塵能令心濁說  
名欲垢能纏繞心說名欲辦無思計故說名  
欲縛令癡迷故說名欲悶心沉名欲著隨有  
行故說名隨流常希望故說名無厭得無飽  
足故說名為貪障出離故說名為蓋能覆藏  
故說名煩惱今不離有故說為結不正思惟  
所觸惱故說名為錐能縈束刺故說名為藤  
向上轉增故說名大欲周普界道叢根塵勝  
樂等故說名為徧著種種塵起種種著說名  
愛著於生死資糧未得及得心生歡喜說名

逸八

二十

喜欲無厭積聚欲塵利養名為渴愛如是方  
便輪迴送引不離生死說名欲將遊煩惱水  
結愛行繩說名欲網從上下流入生死海說  
名愛河譬如變異渴病所逼入塵海由此無  
有飽足故名渴如海吞流如火燒薪等此惑  
無滿說名無休能結死生前後無間故名為  
縫此渴愛在能令生死相續不斷或由自由  
他能受六道生死故於餘惑中說名為集具  
如大有品中廣說此名解貪愛有十一種應  
知一名二義三體四用五因六對治七淨八

不淨九生次第十立難十一救義若行人識  
此起觀自行教他不迷道理故說此義思量  
集諦品究竟

四諦論卷第二

遼个

十一

四諦論卷第三

婆 藪

跋

摩

造

陳

三

藏

眞

諦

譯

分別滅諦品第五

經說苦滅云何此言何所因起何法爲滅何

相何事何緣滅名何義無餘滅離滅捨斷棄  
此七義何異云何盡無餘名爲滅諦不說念  
念滅等若渴愛滅名爲滅諦無餘涅槃則非  
滅諦渴愛盡者應名集滅云何說苦滅若由  
渴愛盡故苦滅者無渴愛人即應無苦現見  
有苦此理云何十結惑中但說渴愛滅爲滅  
諦安立四果云何得成十二緣生中說滅有  
十二種云何但說渴愛盡爲滅持散偈曰  
何節及前義 七義與念滅 界地滅羅漢  
十結十二滅

汝問經說苦滅云何此言何所因起者答由是法生故是法有是法滅故是法無譬如燈復次已說苦諦渴愛爲因今說由渴愛盡故顯苦滅譬如病緣滅故疾病不起復次是渴愛流徧滿三有無始時起欲對治有故故阿羅漢無渴愛滅爲破外道如此邪執故說苦滅云何汝問何法爲滅何相何事何緣者答滅有多種一中間滅二念念滅三相違滅四無生滅等中間滅者如施戒定三摩跋提能滅三有由此施等隨得免離所對治法謂貪

瞋等暫時不起名中間滅念念滅者一切有爲隨剎那謝名念念滅相違滅者此有爲法與相違因其性相乖相續滅故名相違滅此三名相似滅無生滅者有因滅盡故五陰應生不復得生此名真滅又餘師說因及有因渴愛後有不生名滅復次與渴共除煩惱愛業苦不生名滅復次是真實用經無所有離有離無是般涅槃名爲滅諦如瞿曇傳說復次滅有二種一非擇滅二擇滅非擇滅者有爲諸法自性破壞名非擇滅如空名墮擇滅

者由智火故惑薪燒是名擇滅如因火薪盡復次滅有三種一未有滅二伏離滅三永離滅若惑未生未得緣地名未有滅若惑已生已得緣地由世出世道現時不起名伏離滅若惑已伏離滅因滅無餘故未來決不生是名永離滅如經言未生欲欲未來永不復生亦知此滅又分別部說滅有三種一念念滅二相違滅三無餘滅譬如燈滅又餘師說滅有四種一自性滅二無生滅三中間滅四永離滅不由因滅名自性滅如偈言

諸行悉無常 生滅是其法 若有生還滅  
此寂滅是樂

又經言若法有生是法必滅不由功用如物輕重自然浮沉名自性滅由因無故果不得生名無生滅如經言由無明滅故三行不起連八如七流中種芽田壞果則不生名無生滅由廿三定力者名中間滅如經言伏離上心惑名有時心解脫九種次第滅如難提柯比丘緣事為證名中間滅由八聖道滅名永離滅如經言若人修無常想能滅一切結及隨眠惑以

明生故無明永滅名永離滅猶如覆器及被  
然炬此論正辯永離滅何相何事何緣者無  
所有爲滅相心不燒熱爲事通達實際爲緣  
大德說寂靜爲相心安止爲事極解脫知見  
爲緣汝問滅名何義者答此滅名尼盧陀尼  
者訓無盧陀訓遮障渴愛等法能障此中永  
無故名尼盧陀相違法生起故渴愛流永不  
更生如熟燒坏赤色生故本青色相永不更  
生汝問無餘滅離滅捨斷棄此七義何異者  
答此皆是涅槃別名此七名依器故說如涅槃

槃有六十六別名復次止心及隨眠俱盡如  
樹拔根名無餘滅次第滅盡如斧柯喻故名  
爲滅昔縛著處由道力故無有縛著如富貴  
人不著貧賤是名爲離勝異昔退如聖人離  
惡盡故名爲滅又如前義名尼盧陀是名爲  
滅若法與惑相離譬如捨物是名爲捨現世  
是與未來永不相續譬如內根是名爲斷滅  
不更取如覆水器是名爲棄復次一切渴愛  
品類淨盡故名無餘漸壞名滅由觀過去不  
起著心名爲遠離行斷結盡緣起亦無故名

為滅解脫煩惱是名為捨緣智初惑永滅是名為斷先取我執今則置捨故名為棄汝問云何盡無餘名為滅諦不說念念滅等者答由無餘滅故未來苦不更生不由念念滅等故說無餘名為苦滅不說念念滅等若觀無餘滅寂靜等相能滅諸惑念念滅等則不如是復次隨屬道故勝餘法故真實善故不共得故煩惱不能壞故不違言故安心緣故故說無餘名為苦滅不說念念滅等汝問若渴愛滅名為滅諦無餘涅槃則非滅諦者答餘

論師說清淨梵行果故煩惱滅名為滅諦一切假名滅名無餘涅槃此論所說無餘涅槃界是真滅諦何以故為得此滅修淨梵行如富樓那七車譬經中說諸阿羅漢惑盡無餘而老病死寒熱飢渴害縛等苦猶尚未免是故無餘涅槃界是真滅諦此真滅諦由因盡故得故說渴愛滅是真滅諦優波及多道理足論說能令至無餘涅槃界故故貪愛盡得名滅諦雖然有餘無餘二涅槃界皆名滅諦何以故因滅名為有餘果滅名為無餘由

因滅故故有因滅如燈盡故光盡是故二滅  
皆名滅諦汝問渴愛盡者應名集滅云何說  
苦滅者答苦火以渴愛為薪若無渴愛苦薪  
苦火即滅如薪盡火滅復次苦諦以愛食得  
住由愛食斷故苦諦即盡故說苦滅復次耆  
舊師說不為離過去及現在苦於世尊所修  
淨梵行何以故過去自性已滅與現在決應  
相離未來有苦為令不生於世尊所修淨梵  
行是苦不生由渴愛盡故約後際苦盡說愛  
斷苦滅汝問若由渴愛盡故苦滅者無渴愛

速入

什五

人則應無苦現見有苦此理云何者答憂悔  
熱苦寂靜故如手長者經說復次永離心病  
故如已拔心刺復次求欲苦斷故如富足六  
塵由渴愛滅故諸阿羅漢永離心苦故不違  
理復次非過去未來現在苦名為苦諦亦非  
聖道所破何以故過去已盡未來未有與現  
世決定應相離故但由通達實際故渴愛滅  
盡由離渴愛故為後際苦不生修八聖道以  
是義故說阿羅漢無苦如渴病譬汝問十結  
惑中但說渴愛滅為滅諦安立四果云何得

成者答貪愛有四種須陀洹果道等所破由  
此滅故餘結共起一時俱盡說名滅諦是故  
安立四果於理不失復次同一相一味故若  
說渴愛盡則說一切結盡如說八聖道即說  
一切道品以同相故共成一事故復次有諸  
餘惑亦能立集諦相而渴愛正能續未來生  
能今後有以是義故獨說渴愛名為集諦如  
是一切惑盡皆入滅諦相但有因滅盡是渴  
愛滅名為滅諦汝問十二緣生中說滅有十  
二種云何但說渴愛盡為滅者答如前問此

難自遣復次如道斷愛盡欲滅涅槃此五名  
義一但更互相續是故由說渴愛盡故即說  
十二道斷復次渴愛盡為通滅十二道等滅  
名為別滅問涅槃別名有六十六句其義云  
何答無為等一切句相貌讚歎因立對治違  
反等應廣解釋何因如此是涅槃受入無生無長并六  
無滅非因緣所作違反有為故說無為其一高  
出三界離於偏低無與等者故說無下其二永  
離諸流諸流不生非流跡處故說無流其三非  
虛妄非顛倒非相違故說真諦其四不疑諸界

毒蛇怖畏窮三有際捨功用處度生死海故  
說彼岸<sup>五其</sup>極智所了故說聽細<sup>六其</sup>如優曇花  
世間希遇故說難見<sup>七其</sup>不老不破故說無壞  
<sup>八其</sup>無動本有故說恒在無爭<sup>九其</sup>對治除法體  
不虧故說無失<sup>十其</sup>過眼境界無法與等故說  
無譬<sup>十一其</sup>無有貪愛諸見慢執故無戲論<sup>十二其</sup>  
<sup>二</sup>惑火滅盡故說寂靜<sup>三</sup>過死王界故說甘  
露<sup>四</sup>是極美味寂靜可愛故說極妙<sup>五</sup>寂靜  
無苦故說為止<sup>六</sup>真實善法故說為安<sup>七</sup>無  
燒熱渴故說愛盡<sup>八</sup>生他歎訝故說希有<sup>九</sup>

於生死中未至此德說未曾得<sup>十</sup>老等諸橫  
所不能害故說無枉<sup>十一</sup>內無所少外無惡  
障故說無灾<sup>十二</sup>無後有生苦究竟安樂故  
說涅槃<sup>十三</sup>異有無相故說難思<sup>十四</sup>與離  
生過失樂相應故說不生<sup>十五</sup>四魔不至故  
說不生<sup>十六</sup>四魔不至故說無跡<sup>十七</sup>不由  
因成故說非作<sup>十八</sup>非悲行處故說無憂<sup>十九</sup>  
九一得不退故說名住<sup>二十</sup>無法能似故說無  
等<sup>二十一</sup>永離取欲故說無求<sup>二十二</sup>無前後際  
故說無邊<sup>二十三</sup>難可通達故說微細<sup>二十四</sup>無

有可逼故說無損<sub>五十</sub>無惑染著故說離欲<sub>三十</sub>無諸過失故說名淨<sub>七十</sub>結縛皆斷故說解脫<sub>八十</sub>離依止故說非住<sub>九十</sub>無有二法故說非對<sub>十四</sub>無等等故說為等<sub>四十</sub>諸入沒處故說無害<sub>二十</sub>外人不得故說甚深<sub>四十</sub>離佛正教不可了知故說難解<sub>四十</sub>觀此功德令到彼岸故說能度<sub>五十</sub>上法之定上故說無上<sub>六十</sub>攢搜法海所獲真實上人所得故說為勝<sub>七十</sub>萬行所得最無上價故說聖果<sub>八十</sub>離恐怖因故說無畏<sub>九十</sub>聖

愛堅固故說不捨<sub>十五</sub>凡聖等有故說徧滿<sub>十五</sub>一功德難稱故說無量<sub>二十</sub>不屬六道故說無數<sub>三十</sub>體極貞固故說不破<sub>四十</sub>諸法無首故說為尊<sub>五十</sub>最淨可稱故說應讚<sub>六十</sub>眾聖所栖故說為舍<sub>七十</sub>能救眾苦故說歸依<sub>八十</sub>戰鬪寂靜故說無諍<sub>九十</sub>本有非作故說無假<sub>十</sub>離欲瞋癡故說無垢<sub>六十</sub>除無明闇故說為燈<sub>二十</sub>諸受寂靜故說為樂<sub>六十</sub>三免色等墜故說無墮<sub>四十</sub>四流不沒故說為洲<sub>六十</sub>散心不證故說不動<sub>六十</sub>遣蕩十

相說無所有<sup>七十</sup>無所依故說名無著經部  
問曰何法名思擇滅答結離名思擇滅問結  
離何法答是思擇滅若爾此二互相釋終不  
能顯二法體相是故應別方便說其體相聖  
人無分別證智所知是其體相如是可說爲  
善異於餘物或說名結離或說思擇滅諸經  
師說一切無爲非是物有何以故不如色受  
有於別物何者唯以無觸名爲虛空如經言  
闇中無礙無覆名爲虛空由般若力與現在  
隨眠惑體性相違餘後不生名思擇滅離此

思擇因緣不具餘不得生是名非思擇滅譬  
如一期中間橫死殘果不續異部師說隨眠  
煩惱後不得生是思擇力故名思擇滅由緣  
不具後苦不生是中思擇無力故說非思擇  
滅論曰是義不然若離思擇此滅不成故知  
屬思擇滅又諸部說若法已生生後自滅自  
性滅故名非思擇滅若如此執非思擇滅應  
是無常何以故法未壞時未有滅故難曰若  
爾思擇滅亦應無常何以故思擇在先後得  
滅故答此滅不以思擇爲先何以故未生法

不生。在思擇後無此義。故所以者何。未思擇時。未生不生。法本來已有。是法應生。思擇正起後。不得生。由思擇力。此惑昔來未有。生障今斷。其生思擇力外。曰。若定以不生為涅槃者。云何通釋。國譬經經云。修數習多行。信等逸八五根能滅過去現在未來苦滅者。名涅槃。不廿九生唯屬未來。非現在過去。答有如此經義。不如文。何以故。能緣三世苦惑滅。故說苦滅。如餘經說。汝等應捨是色愛欲。由愛欲滅。汝等色陰則滅。離乃至識陰亦爾。以此義故。滅三

世苦。其義應爾。外曰。若說苦滅。其義可然。又國譬經云。修習五根能滅過去現在未來世惑。云何不違此經。答如前解釋。又有別解。過去惑者。宿世所攝。現世惑者。今生所攝。此二世惑於相續中。已成種子。能生未來惑芽。由此種子滅。故說三世惑滅。如果報盡說業因盡。是未來苦及惑。由種子無故。永不更生。是故經中說三世惑滅。若不如此過去現在有何所滅。何以故。於已滅法及向滅法功用。何施外。曰。上勝經說一切有為無為法中。是

離欲法因是不有云何不有勝餘不有答我不說無爲定是不有如我前說如是故有如世人言聲有先無聲有後無不由此有言使無物成有當知無爲其義亦爾雖同是無而有無可讚勝於餘無如一切灾橫畢竟不生此無爲勝最可讚歎爲受化者起願求心故佛讚歎外曰若無爲唯是無法是滅則成聖諦何以故無所有故答若爾諦是何義外曰無顛倒是諦義答是二法聖人觀皆無顛倒苦如相苦相無如無相以是義故何率聖諦

外曰云何無物爲第二諦答立爲聖諦已如前說依第二後次說故爲第三外曰若無爲唯是無法智勝虛空及與涅槃則無境界答我不說一切智以有法爲境若緣有爲非去來世則有物爲境若緣餘法則無法爲境外通入曰若汝許無爲有物何所有答若我許無爲有物何所有外曰若汝許者我義被守答諸天應守若許可守汝許不實何以故是無爲法不如色受其性可證不如眼等其事可見是物是滅云何可別是無爲與有爲事不相

關何以故互非因果故但違反渴愛是其道理如說是惑本無名因無爲外曰若立無爲是有由此惑至得斷故可說此滅是此惑滅若說無爲是無法者此無爲何因能決至得經言是比丘已至得現法涅槃若涅槃是無何可至得答由對治起得相續與惑後生畢竟相違故說至得現法涅槃又諸阿含說唯以無法是名涅槃經言是苦滅無餘捨窮盡及離欲苦不來續不生是靜是妙何者捨一切取并渴愛盡及般涅槃外曰何故不許於

中餘物不生說此不生名爲涅槃答我見此執無有勝能汝謂於中餘物不生者爲是有故餘物不生爲由得故餘物不生若是有故餘物不生涅槃恒有三有應永不生若由得故餘物不生諸阿羅漢得證此時陰即應滅遠八若如汝執有此過失故知但無所有世一名爲涅槃如偈說譬是正道理偈言譬如燈光滅心解脫亦爾如燈光滅非是有物佛心解脫亦復如是分別滅諦品竟

四諦論卷第三

音釋

瞬目輪切  
也切  
揺  
翊動也  
射蒲弘切  
埒與諸針同切  
顫顫之膳切  
掉動也  
徒四支

永樂北藏

四諦論

第一〇六冊

四諦論卷第四

婆

藪

跋

摩

造

逸九

陳

三

藏

真

諦

譯

分別道諦品第六

經說道諦云何此言何所因起若道能滅渴

逸九

愛則不應說行至苦盡若不爾者是言相違  
若俱滅集苦云何經中不具足說若道能盡  
苦修道辦入應無品苦若不爾者則不應言  
行至苦盡若有為法於無為中無有行至云  
何說言行至苦盡正行義言正行者八聖道

是決言何用聖名何義云何但說道名為聖  
不說餘助道若道異分應說其相若言道唯  
是分則具分與分無有差別道名何義云何  
此經說於具分餘經不具若道是有為云何  
佛說本昔已有若是無為云何說言有為若  
道是一一人修時餘人應得譬如衣等若不  
爾者則不應說由此一道若諸聖人同得一  
道云何智慧不同若智慧不同云何解脫平  
等若道非心無情等物亦應有道若心非心  
法修則不具若是心法諸相違法云何一心

並有若道至除惑則相違法一心並有若不至者於他相續云何不除若分俱起則有多作意若次第起則但有一分云何止立八分不增不減云何不取欲等餘法云何一法作三種說中道能滅福惡行至盡苦云何說正見爲初云何說先行正見有何義見者既無孰爲能見正見與十善正見兩異云何若由正見一時見諦應有多境若不爾者非念念滅若正見已了諸諦餘分何用正覺何義云何三法成一若依二定證得流盡正覺不具

道分有闕此義應救正言何義若有證言道修無定何以故佛說定以聲爲刺若無不成道分正業何義一切分皆是正業云何說一名爲正業若離名正業離則非作云何成業離擗打業云何不說名爲道分正業正命與蓮九十善正業正命兩異云何正命何義正命若身口業攝云何別立何者正精進何相何用何緣何義若但滅惡是善則無二精進若非善者滅諦則非善若一心修正勤即具足者則無四正勤若次第修者則助道修不成何

者正念何相何用何緣何義諸有爲法刹那  
不住云何成念何以故他見他憶無此義故  
若一切諸法皆是念處念根即是念處則義  
不相應若念獨自不能守一法者云何經說  
有念一守云何有時能憶有時不憶何者三  
摩提何相何用何緣何義正定若是定須陀  
洹人應無欲瞋若不爾者則違道理  
汝問經說道諦云何此言何所因起者答此  
問不爲開智人說何以故由聞其名已了義  
故從大悲所起辨涅槃道顯隱覆義欲廣設

言證爲分別智弟子故佛自問何以故由先  
問後解多有益益廣辨緣起已如前說復次  
受化弟子問諸外道聞種種道未能決了是  
道邪正爲除疑倒無明等心故佛自問自答  
何者爲道是八聖道如疑路人導之善道汝  
問若道能滅渴愛則不應說行至苦盡若不  
爾者是言相違者答聖人從初發心是修行  
用欲除滅苦爲此起道故說行至苦盡是苦  
盡由因滅得成是故除因譬如師子復次諸  
佛觀一切衆生墮於苦難發心修道爲除他

苦是修行用如國譬經說又餘經說苦盡是  
出家修梵行用如七車譬經又如來出世爲  
三事故令他苦盡是最第一故言行至苦盡  
復次一切有爲無常故苦離有爲法故說苦  
盡如筏喻經說法尚應捨何況非法復次由  
八聖道能除取陰是故通說二滅言不相違  
汝問若俱滅集苦云何經中不具足說者答  
是渴愛滅由苦盡得顯復次因盡非是正用  
以苦盡爲正復次聖道能滅有爲及與取陰  
故說苦盡通渴愛滅汝問若道能盡苦修道

辦人應無品苦若不爾者則不應言行至苦  
盡者答依因緣盡故說苦盡如說火盡名爲  
炭盡亦如根滅說爲樹滅復次聖道能滅邪  
分別苦而不除宿業報苦及界地反苦譬如  
氣噓旃陀羅及優波斯那等復次聖道於有  
餘涅槃能滅心苦於無餘涅槃能滅身苦復  
次聖道能滅後有陰苦但宿行所作隨逐未  
滅如輪及箭汝問若有爲法於無爲中無有  
行至云何說言行至苦盡者答涅槃無行道  
亦無行雖俱不行由歸向涅槃令得涅槃故

說行至苦盡譬如國路復次是方便言如說  
諸流行沒水滴行盡流及水滴於盡中無行  
而世說有行行至苦盡亦復如是汝問正行  
何義答由此了知實義故說正行又以進趣  
為行如說行一切處道又能住安隱處故說  
為正行復次正是不背義行是歸向義由此  
不背歸向涅槃故名正行汝問正行者是八  
聖道是決言何用者答為反餘道為成立一  
切處行道為顯不往餘處復次能窮一切道  
苦能遮一切煩惱業報燒熱能除自他惡罵

重罰惡道死等怖畏能除積骨如毗富羅山  
能乾乳血淚以此功用故說決言汝問聖名  
何義者答由體無流一味解脫衆生依此相  
續得名聖人譬如善法如經中說是聖正見  
復次聖人所行故名為聖譬如王路復次聖  
人所說故名為聖譬如師路復次聖衆所事  
故名為聖譬如牛路復次令至極聖故名為  
聖譬如國路如經說聖正解脫汝問云何但  
道名為聖不說餘助道者答同一相故皆名  
為聖譬如火性復次同一解脫味故譬如海

水同一鹹味復次八道最爲上首能攝餘助道如象跡譬經說汝問若道異分應說其相若言道唯是分則具分與分無有差別者答是具分與分差別之相亦可見可說譬如五分三昧亦如五分比丘住五分處道亦如是與分有異是分平等說名爲道何以故是八種分若至平等位能除煩惱若沉若起則不除惑猶如調絃復次是分因滿說名爲道能辦事故譬之如車雖然若真實義分中說具分譬如五分音樂及五分定道亦如是唯分

爲道今論所說唯分是道六義證成一說道經言五根是道行至涅槃此五根即是道分故知唯分爲道二爲經言三身攝道三身唯分三由滅經言正見行於滅離道無滅四由除經言若修習正見能除欲等若離於道則不能除五由出離經言正見等諸分能出離此若非道不能出離六由清淨道經言般若

是道爲得清淨般若即正見故知分是道汝問道名何義答道以求覓爲義何以故由此能得真實義故亦以行爲義故亦以行爲道

義如世間言此道行向舍衛國等道亦如是  
歸向涅槃復次真實義門方便行生理如此  
等皆是道義汝問云何此經說於具分餘經  
不具者答法藏論說假名有二種一自在假  
名二依他假名說自體諸分名是自在假名  
如正見等道分依他假者如念等門及餘助  
道分何以故此道品修非是散修復次為勝  
遍故念處等中隨一法勝遍故念處等中隨  
一法勝餘同一名譬如鹹酸等味有諸餘味  
隨勝得名又如諸界隨一勝故餘隨得名復

次於欲界中說道具分色無色界或五或四  
為滅自體四對治故餘或增減隨界地故以  
此義故有具不具汝問若道是有為云何佛  
說是古昔道若是無為云何復說是有為法  
者答由此古言道是有為何以故有為之法  
有新有故譬如穀等若是無為不應此言譬  
如虛空及以涅槃如說身是昔業而非無為  
如說聖種及法諸師是故由此古言道非無  
為今論所辨道是有為何以知之由廣分別  
故如諦相應經及答達磨塵那問由有為相

故如經言依正思惟若道未生得生已生得增長有生長故知是有爲由捨除故又如經言法尚應捨何況非法滅是無爲則不可捨緣內起故如經言是道依內起此歸依難得若是無爲不依內起由業名故如經言是道非黑白業能滅諸業若是業者非無爲法由有食故如經言七番提分以食爲因若無爲者不須食因以此義故道是有爲汝問若道是一一人修時餘人應得譬如衣等若不爾者則不應說由此一道者答多道非一何以

故果不同故由道異故故果有異如路異故行異復次體異故道異謂見道修道等亦如四苦樂遲速復次根異故道異謂九學九無學辟支佛佛由根差別是故有異依種性故說由一道如世說一穀如經言三世諸佛若觀若說是此四諦而苦等三諦體實不常由一道言亦復如是汝問若諸聖人同得一道云何智慧不同若智慧不同云何解脫平等者答觀一切一切種境界得成正覺是故佛道不同二乘如經言若人當知一切一切種

境界當知是人名爲世尊通達平等道故唯  
滅本惑三衆人等如經言解脫五陰與解脫  
無異如多種火各燒然薪灰盡不異由火不  
同熱觸光明威德有異如是智慧差別所滅  
惑除解脫是同故佛定智威德及恩由道差  
別難可思量如大輪經說汝問若道非心法  
無情等物亦應有道若心非心法修則不具  
若是心法諸相違法云何一心並有若答心  
是生死分是世間法道是出世法兩不相應  
如法非法故說道非心法依境名心求能名

道兩若一體則自性自知爲免此失故說道  
非心法譬如壽命及無想無心等定雖非心  
法而譬等中無道亦如是道雖有心非心處  
位達皆有故無不具修復次修有三種謂守  
習研故無不具然道亦可說是心法何以故  
與正思惟同生滅故譬如一心如經言以心  
作增上故得一心是名心定即是道分同一  
出離同成一事故共一心而不相違汝問若  
道至除惑則相違法一心並有若不至者於  
他相續云何不除者答道不至惑而能除惑

如道不至破戒能除自破戒不除他破戒除惑亦爾於自他相續雖俱不至但除自惑不能除他惑分別部說非至非不至此時除惑以不生為滅故譬如治病若受已至醫不能治何以故不可轉苦為樂故苦受未至醫亦不治何以故無所有故若爾為何所治但作違緣令未生苦永不得起道能除惑亦復如是汝問若分俱起則有多作意若次第起則但有一分者答由成一事故得俱起非緣別境故無多意相雜俱起由功能故差別可見

譬如欲等汝問云何止立八分不增不減者答此問不窮是故置答復次對治八邪分故說八分  
復次為攝三身復次為對治三刺三結三火三毒故說八分復次藏論中說能成八功德心故說八分由得正見故心清淨由得正覺故心解潔由得正言故心平坦由得正業故心無悔由得正命故心軟滑由得正精進故心隨教由得正念故心安住由得正定故心不動汝問云何不取欲等餘法者答但取勝

法或取強用或取能任重擔或俱攝盡正言  
正業正命是須陀洹分信為三攝故須陀洹  
具四智信欲即是信復次此信亦正見攝須  
陀洹人得智信故喜捨捨正定所攝是故八  
分攝諸分盡汝問云何一法作三種說或說  
中道能滅福惡行至盡苦者答由三勝事故  
譬如日能破闇名光能分別晝夜名日能分  
別剎那等故名時本聖道亦爾能離二邊故  
名中道能除黑白二業名滅福惡拔除身心  
苦故故說行至苦盡或除三世道故說行至

苦盡汝問云何說正見為初者答為上首故  
譬於王如經言一切有為法中般若最勝復  
次能作勝功德故若智慧勝諸德皆勝如舍  
利弗由正見故不觀他面如首羅長者由正  
見故其心難動如阿輸柯王由此正見他不  
能引如質多羅長者能拔除災橫本故如經  
言由明起故無明滅盡是故正見為初汝問  
云何說先行者答由得正見餘分得出世得  
無流得不共或說由正見力餘分得解脫道  
名如經言比丘是正見人身口意業為得可

愛勝美果故如經廣說故以正見為先行汝問正見有何義者答謂不倒證照為見自所依止真實種類無倒證照復次真如名正觀名為見如實觀聖諦故名正見復次正者可讚歎義見者光明義可讚光明故名正見如經言諸光明中此光最勝所謂正見復次勝德境智行是名正見行何以故是正定位說名正見如種子譬經說復次理足論說由境正故智正不由智正故境正有為有流相相應故一切唯苦決定知此是名正見如佛為

大迦旃延說又藏論說對治無智疑智倒智能度苦等真實此智名為正見汝問見者既無孰為能見者答眾緣聚集共成此見無別一物為其見者譬如華果又如偈說有見無能見何法為見者從緣和合生見色言是虛是法集時見合散無能見但因緣所作如戾人無著法從緣生不可說屬一如佛為破求那說我不認識為能識何以故此名具分假名所作故汝問正見與十善正見兩異云何者答俗

智在十善眞智在八正能感後生以苦爲果  
觀業爲境如此正見在十善法能滅三有涅  
槃爲果緣諦爲境如此正見在八聖道汝問  
若由正見一時見諦應有多境若不爾者非  
念念滅者答一時能成四事故說一時不爲  
境異故理足論說修觀行人以聖智慧通達  
毛孔能斷諸惑又餘經說若通觀三受諸事  
已辦無更所作由通相法諦無我相是故一  
時通觀四諦如次第觀中緣無常苦無我一  
時通苦諦汝問若正見已了諸諦餘分何用

者答一切諸分能滅自對治各各有用如吐  
下方復次一切諸分於自事中各爲上首共  
成一事譬如車分及車車分各有自事共成  
運載道分及道亦復如是汝問正覺何義者  
答未曾有計今日如生是名正覺復次是平  
等計由想行緣起故復次體相境界果共相  
扶合故名正覺復次如見隨擇不捨名爲正  
覺如牛飼食汝問云何三法成一者答同一  
相故如餘道分復次善聽計平等故譬如定  
分復次緣涅槃爲境如無相定故三成一汝

問若依二定證得流盡正覺不具道分有關此義應救者答若依二定修入正道但無初定覺觀分非無道分中覺譬如初定及三摩提無有覺觀復次由事成故說有正覺不由體在故如有覺五根復次能拔除對治故說有正覺譬如正言汝問正言何義者答永受誓不破名為正言如瞿師羅傳復次是言清淨由除願取垢滅故復次法然所得永善行是名正言正言戒有二種一不令知如經言是人離妄語等二令知如經言是人時語實

語等汝問若有語言道修無定何以故如佛說定以聲為刺若無不成道分者答道分故非刺譬如正覺喜覺分等復次聲刺不定如見女人經言數見女人為修梵行刺然非阿羅漢刺已除刺故又經言大象說在定行立等亦靜若觀行人正思說法心則有定不由有言故無定經部師說但離四言即是正言如世間說已離如正作如說此馬快行此人善讀汝問正業何義者答經說離身惡業名為正業又經說是身業不汙不流不斑自在

無取能生寂靜是名正業復次由觀過失遠  
離殺生不作不行遮止不樂是名正業汝問  
一切分皆是正業云何說一名爲正業者答  
若離此名別名不顯如法界法入等非眼識  
等所緣故不令他知說名正業一切諸業所  
依止故譬如業基汝問若說離作名爲正業  
離則非作云何成業者答不作故起惡業作  
守護善應知是業如經言我說作我說不作  
復次能除黑白二業故說不作能作對治業  
故說名作復次正業亦名正業除由此名故

作不作義此名得成譬如由眼說見由眼亦  
說不見若不作云何知有此業答有多因緣  
此業可知由經言色有三種一有見有礙二  
無見有礙三無見無礙又說有無流色又說  
由七福德利故又說由教他亦有十業道又  
說比丘有法非十一入攝謂無見無礙不說  
無色復次若無此業八分聖道則不具足何  
以故正入觀時不行三業故難曰是義不然  
何以故在方便中已修三業故如經言是人  
如是見如是知是正見得修圓滿及正覺精

進正念正定先時正言正業正命先已清淨  
答依世間離欲道戒故說此言復次波羅提  
木义戒亦不應有何以故當受時有後在異  
心不應說名比丘比丘尼又經說此業名為  
堤塘能遮破戒故若無不能止惡經部師說  
此證殊多甚為希有義不如此何以故汝言  
由說三色故知有無作者是義不然諸觀行  
師目連阿尼樓駄等說有定境色由定力得  
此色非眼根境界故說無見不障處所故名  
無礙若汝言若爾云何名色者此與無作等

故還難汝義汝言由說無流色知有無作者  
是義不然此色亦是定力生由定無流故色  
亦無流又諸師解阿羅漢色亦是無流非流  
依止故難曰此義不然如經言何者有流法  
謂一切眼一切色等此色非流對治故說有  
流若爾此色或有流或無流答若爾何有難  
曰相相雜故答如有流相無流相不如有何  
相雜復次若色入一向有流云何經中偏簡  
擇說不通途說經曰有流色者謂有取心堅  
覆藏所依故名有流色汝言由七福德利故

知有無作者此義不然經部師說如汝受用  
施主施物由受者功德被利益故施主雖在  
異心由前施作意熏修相續次第轉勝由此  
勝故能生未來隨多少報依此相續說施主  
功德生長若汝言由他相續勝負及隨用故  
若在異心是相續轉勝云何得成者是義不  
然何以故與無作等故汝執無作由他相續  
勝負及隨用因他相續云何得成問不增長  
福德種類中無教云何恒生答由數習緣戒  
定作意故乃至眠中增長隨逐問若爾郁伽

長者經其義云何經言若比丘持戒行善受  
用施主衣食等已修無量心定身證此定入  
林中住由此受用施主福德善樂增流無量  
應當信知此中有何作意故知相續轉勝是  
正道理汝言若無作無教如人教他作業業  
道云何得成者經部師亦作此說十九由此教故  
他或離或受殺害等苦故能教者於微細相  
續善惡增勝由此轉勝能生未來隨多少報  
若人自作隨事成時相續轉勝名為業道是  
義應知果假因名故是身口事果假身口名

義亦如是如意身口無教有大德說依衆生  
取陰由三時作意作意得殺生罪謂當爲我  
殺正殺殺已此解亦不殺雖有三意業道未  
必得成何以故未斷母等命根起三意人無  
逆罪故若人目害他命由此三意得罪可然  
難曰等不可見何故憎嫉誹謗無教而信受  
相續轉勝答無此憎嫉但由心運身業道事  
成若謂行者有別法異心我所不喜由心加  
行是事得成此事成故相續轉勝是義可喜  
何以故由心相續果得成故汝言法入佛不

說無色知有無教者此義已答如定境界色  
汝言若無此業八道不成故知有無教者此  
義應辨朋友汝應爲說入諦觀人正言正業  
正命云何得有此人在觀爲有言說作業求  
覓四事故有此三爲當不爾答若不然何者  
正在觀時得此三種無教由此得故若出觀  
逆九  
復不在邪言等中但住正言等是故因中假  
得果名故說無教名正言等論主答是中何  
不執如此若正在觀中離於無教得在如是  
意得如是依由得此故後出觀時不邪言等  
十五

中但住正言等是故因中假得果名故說相續轉勝名正言等以此義故道有八分又上座部說但不作惡名為三分何以故由聖道力法決定不作依止無流道故名無流未必一切處被數法皆真實有如八出法謂不得名無名譽毀樂苦是中不得更無別法又餘師說波羅提木義戒是三道分依先方法作信受意由此作意能防身口遮所作惡說名波羅提木又戒若汝言人在異心則無守護者是義不然由數習故犯戒緣來作意即

至說此作意名為堤塘何以故由憶先誓善不作惡為有此用故須受戒復次若如汝立有別無教能遮破戒者則不應有失念犯戒不須廣辨若爾不爾決定應知八正道中戒有三分為道基故譬之如地以先行故譬如王能度生死棘刺稠林故譬足可愛香故如天檀葉清淨傳傳能到涅槃如七車譬又餘師說引經為證是道果故恭敬利養因緣故非守護對治故翻令知所得故知有此戒又餘師說云何無教是色而非身受答無教屬

身口業爲色所攝身受者與心相應爲名所攝復次無教是身業故屬身受是心法故屬心復次無教亦戒亦色色陰所攝身受心法受陰所攝今論所辨此法心業所作故由身口成就假得其名此法與受何異答受陰所攝此法通諸陰攝何以故依相續故汝問離卷九搥打等云何不說爲道分者答有學聖人未寂靜故譬如制罪以不徧故如非梵行以不定故如布踈陀分爲資糧故譬如施等今論所辨分明八戒此中說名三聖道分汝問正

業正命與十善正業正命有異云何者答可壞除不可壞除從出世正見起無流甘露爲果從世正見起有流取陰爲果能生福德是名業道能離福德名爲道分汝問正命何義者答正命有二種一白衣離五種販賣二出家人出離五種邪命復次依理求覓受用衣食等四緣復次知足無失聖種所攝及守護身口復次先因智慧遠離身心邪見是名正命汝問正命若身口業攝云何別立者答通在二攝由義異故別立可知譬如諸陰通是

行攝由義異故別立四陰復次體有二故譬  
如身觀經言於身觀身住復次正命異前二  
分譬如惑數汝問何者正為精進者答行於  
處處隨地差別為得種種善法策起身心不  
捨荷負復次為滅惡法證於善法常行勇猛  
是名精進復次修行是處不倒身心勤力是  
名精進汝問何相何用何緣何義者答策起  
身心為相不退墮為用起精進類為緣藏論  
中說精進者勇猛為相不沉為用四正勤為  
緣勝利行為義若懈怠人行無勝利行

逸九

十七

復次難勝力故若人有精進於煩惱戰鬪有  
難勝力若懶墮人則無此事復次此行能散  
破除捨是精進義汝問若滅惡是善則無二  
精進若非害者滅諦則非善答滅惡者唯是  
無物善則不爾故精進有二復次滅惡名真  
實善所餘即三善何以故有四善故離破戒  
臭名為滅惡戒香發起名為生善譬如熱靜  
異於冷生汝問若一心修正勤即具足者則  
無四正勤若次第修者則助道修不具答一  
心得修四正勤譬如一心通觀四諦何以故

由此修故未生諸惡不得生已生諸惡不得住善法未生得生已生得堅住是故精進由體故一由用故四又分別部說若持戒觀行人爲除定對治修四正勤已生之惡能障定由精進故滅未生破戒後不得生未生定得生已有淨戒得堅固住以是義故精進唯一事用有四復次有說四正勤次第起譬如得定何以故有正勤但能破上心惑有餘正勤能拔隨眠惑又有正勤能生未生根又有正勤能令已生堅固故道品修非是勤修有正

勤故汝問何者正念者答不忘先所知境是名正念猶熟取相如經言心覺心繫等是名爲念汝問何相何用何緣何義者答境界後憶爲相心境不離爲用六念爲緣自憶令憶名爲念義譬如菩提自覺令覺復次藏論說心澄淨爲相不忘失若失還現復次能守境界是智依止故名爲念復次念有四種一隨執名句味二能隨所執義三能隨所思義四能隨通達所思義今論所辨正明第四汝問諸有爲法剎那不住念云何成何以故他見

迦九

十八

他憶無此義故者答若知者異念則不成如張見王憶若智相續異念亦不成如見牛不憶馬等若智一念亦不成無後智故反此三義則名為念又釋若不相關則他見他不得憶如此人見彼人不憶若因緣相關則他見他得憶譬如童子少壯老弱智念得隨逐生復次譬如種子不相關故麥種不生穀芽若因果相關而有異者是穀類等種子芽莖枝節葉位得隨逐生若一念亦不成因果不立故如種子恒一芽則不生由相關不異不一

故念得成汝問若一切諸法皆是念處念根即是念處則義不相應答今論所辨念想即四念處但不以境界分別根故譬如智根智量復次念處有三種一自性念處但生憶念譬如王二離念處若法能助於念亦名為念如王臣佐亦得王名三境界念處遠九十九由念緣此起亦得名念如王住處是故念根即是念處義不相違汝問若念獨自不能守一法者云何經說有念一守者答念是守護中第一增上緣故說一守譬如王勝如經言一切諸法

念爲增上緣爲守護故復次一念能護一切  
行故說一守如經言是念行一切處復次一  
切念能守六根如當門人復次是念能錄一  
心如人手捻陰陽筒口復次能守一相續故  
名一守如護一子復次六根被繫於一念柱  
不散住自境如六衆生同繫一柱是故經言  
有念一守汝問云何有時能憶有時不憶者  
答有三因緣故能生念一數習由數習身口  
意如夢中見二相由順逆相憶似不似境三  
澄清由心澄清念即得起如淨器水得見面

像若反此三則不得憶又臨死及初生重苦  
所逼忘失本念故不憶宿命復次有六因緣  
能生於念如偈言

順逆及數習 一處共會聚 定力及因力  
此六爲念因

順者如見他似兒便憶自子逆者由觸熱故  
憶昔時冷數習者如所慣行事自然憶一處  
會聚者如人見菴羅樹憶其酸味定力者如  
得三明人憶宿往事因力者猶如聖人及大  
行善人憶過去生汝問何者三摩提答經說

心定住靜名三摩提又阿毗達磨藏說能攝  
法不散名三摩提復次是心相續煩惱惡風  
所不能動如密室燈復次三摩提有二種謂  
世間出世間世間者能生世間果報與覺分  
相離能伏上心惑出世間者能令度離世間  
與覺分相應能拔隨眠惑今論所辨是出世  
定汝問何相何用何緣何義者答心定住為  
相伏對治為用依心學為緣復次藏論說一  
心為相不散為用四定為緣安心令直為義  
如箭師調筈世間說為三摩提箭此言調直

箭如是調直心相續名三摩提如偈言  
心跳躑散動 難守亦難遮 智人使調直  
如箭師調筈

復次能安心平等譬如馭車取平坦路避嶮  
曲道觀行人亦如是能安置心於平等處門  
境相行能遮不平等惡故名三摩提復次五  
蓋病銷如人不病名三摩提汝問正定若是  
定須陀洹人應無欲瞋若不爾則違道理者  
答所對治定在由得果故驗其得定譬如五  
根復次專心向定故譬如蜂雖繫穢處心慕

蓮華故知恒在華處聖人亦爾雖處欲塵心  
樂寂靜故知恒在定復次如須陀洹人無明  
雖在而明不失復次如佛婆伽婆雖有覺觀  
不出散心恒在定故須陀洹人定亦爾故不  
違道理問聖道八分次第云何答由能依理  
觀聖諦故先立正見於所觀法執視不捨次  
立正覺從此次立正言正業正命於所觀法  
為離為得次立精進於所離得永不忘失次  
立正念由念不失於所見境心不散動次立  
正定復次若八法俱起則無次第而次第說

不無道理若人欲起涅槃應先求正見如人  
欲行必須有眼如所見理執視簡擇次立正  
覺如所擇說次立正言何以故若有語言依  
覺觀故如言而行次立正業此二清淨次立  
正命是人住戒若起勤策次立精進有精進  
故則念不失次立正念由有念故心一不散  
次立正定復次阿毗達磨藏說此行以智慧  
為根本何以故四諦境深非智不了故先立  
正見心觸此境次立正覺由此二分於四諦  
中對自令知次立正言由前二分知言發行

次立正業由前兩分口說身行受用四諦以立正命身心勤策為進諦理次立精進由此精進於四諦境心用澄淨次立正念由此正念於四諦境心及諸法永不散動次立正定復次由正見故是觀行人不墮增上慢中能如實分別自所得故由正覺發起正言是自所得能傳至他由此正言能立能破能決令他信有智慧由有正業寧捨壽命不犯非法故令他信有聖所愛戒依法如量求用四緣故由正命令他信有聖種知足復次由正見

正覺及因正言能師子吼由正業正命能顯所說義由正精進未得令得未滅令滅由有正念沉起平時不忘三相故定無障由有正定滅除定障能引六通諸德故後俱解脫復次阿毗達磨藏說由正見故說信根信力及欲何以故由有智慧信欲成故由精進故能攝正勤及精進根力覺分由正定故攝心如意足及定根定力喜猗捨定覺分等以是義故當知三十七品是八道內攝復次正見及正念是毗婆舍那分由此滅無明故慧解脫

逆九

廿二

爲果所餘道分屬奢摩他分由此離欲故心  
解脫爲果是故略說道有二分一毗婆舍那  
二奢摩他復次藏論說正言業命三爲戒聚  
由有此戒拔除瞋惡根本正覺精進正定三  
爲定聚由此拔除貪欲惡根正見正念二爲  
慧聚由此拔除無明惡根以此義故道有三  
分復次道有四一方便道者由此無礙道生  
無礙道前皆名方便二無礙道者正能除障  
礙對治惑不礙故名爲無礙三解脫道者  
解脫無礙道所破之惑初起名爲解脫四勝

道者從解脫道後所餘諸道皆名勝道問此  
四云何名爲道答由此進至涅槃故名爲道  
若爾解脫及勝云何名道答道種類故轉勝  
故今前至後故能至無餘涅槃故說名爲道  
復次道有四種一苦道遲智二苦道速智三  
樂道遲智四樂道速智樂道者謂依止四定  
具分故定慧平等故無功用行故以是義故  
名爲樂道離此皆名苦道謂依止未來定中  
間定三空定等不具分故定慧不等故有功  
用行故未來定者有慧少定三空有定少慧

速九

廿三

中間定者分不具故定慧皆少以是義故名爲苦道此之二道若信根入得名爲進行若智根入得名爲速行是八分聖道約定約根故有四行復次聖道或說三十七助覺何法爲覺以盡智無生智名之爲覺由三種入成三品覺謂聲聞菩提辟支菩提無上菩提能滅無明今無餘故是自事已作不復更作如實覺故是名爲覺助者三十七法隨從盡智無生智故名爲助由名故說三十七不由於體今論所辨體唯有十謂信精進念定慧喜

輕安捨戒覺阿毗達磨師說體有十一即開戒爲二所謂身口復有阿毗達磨師說體有十三謂足欲及心故經一切所得法皆是助覺但此十既勝故徧舉之言三十七者謂四念處四正勤四如意足五根五力八聖道七覺分問此七科助覺安立何處答凡有四位一初發行位二通達位三見位四修位問次第云何答是觀行人已住於戒已能了別生死過失涅槃功德離四諦觀無別方便能了知此過失功德爲攝多境散心今住一處爲

生對治伏四顛倒令心如理入四諦觀是故  
在先觀四念處由四念觀已別諸法可取可  
捨爲取善捨惡故次修行正勤因四念觀正  
勤隨意住故次立四如意足由此定力於不  
疑爲取善捨惡故次修行正勤因四念觀正  
勤得成由正勤觀惑障已淨助法已立意九心隨  
意位故次立四如意足由此定力於不疑境  
心有增上由此信故於不懈怠心有增上由  
此精進所得善心有助無障於不忘境心有  
增上由此念故攝在一境於無散中心有增

上由此定故如實觀境心有增上由當體增  
上故於不退位心有增上由不退故於通達  
分心有增上故次立五根是五根增長至最  
上品故下惑不能破故餘世間法不能勝  
故無流心次第緣故不退聖位故以是義故  
次立五力已見彼此得失已得真路已得決  
心已得眼已得足由五力故得出世行故次  
立八聖道由八聖道破見諦惑已得近盡智  
無生智故轉此道名七覺分是故次第立三  
十七四念處觀是初發行位即解脫分四正

勤名忍位四如意足是名位五根名相位五  
力名第一法位此四通名決了位八聖道名  
見位七覺分名修位盡智無生智名究竟位  
是果非因故不立爲道復次此道或說名梵  
輪梵輪者佛世尊及弟子所轉故此聖道有  
六種義譬之如輪一速疾行謂或一心或十  
二心或十五心徧行三界四諦故名速疾二  
捨此到彼謂捨世間到出世間等三上下行  
故謂或在法忍或在類忍等四從此至彼謂  
從師相續解至弟子相續解五轂輻輳相似

故戒有三分爲轂正見正覺正精進正念爲  
輻正定爲輳六如聖王輪未伏能伏已伏能  
守護由無礙道能伏解脫道能守以是義故  
名爲梵輪復次此八聖正見有五分戒有六  
種謂三業教無教精進有九分正念有八分  
正定亦八分此聖道若廣說則有三十七分  
若中說則有八分若略說或三分或二分偈  
言  
若人求涅槃 滅止及妙離 應常行精進  
聽思修四諦

四諦論卷第四

音釋

過陟瓜切 拑古我切 跳他弔切 躑炙切  
也躑躅也